

0cm 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 2

浙江圖書館





浙江圖書館



浙江圖書館



浙江圖書館

皇朝通志卷之...

文獻通考卷之...

正統五年...

學士建安楊公...

作原曰葛侯少...

披簡以行至臨...

是年七月二十...

皇上嗟悼輒視...

賜謚文敏遣禮...

其鄉命有司治...



贈榮祿大夫少...

母黃夫人謝繼...

浙 江 圖 書 館



皇明名臣琬琰錄卷之一



后集




浙江圖書館


皇明名臣琬琰錄卷之一

后集

文敏楊公墓誌銘



楊文貞



文貞



正統五年二月十八日少師工部尚書兼謹身殿太

學士建安楊公奉勅歸展先墓既畢事卜日啓行病

作衆曰曷俟少間公曰君命不可稽也

挾醫以行至臨安武林驛病加遂不起

是年七月二十也守臣治棺斂屍馳奏

皇上嗟悼輟視朝一日贈持進光祿大夫左柱國太師

賜謚文敏遣禮部尚書胡濬泣祭遣中使護喪還葬

其鄉命有司治墳曾大父伯遜大父連鄉父伯成皆

贈榮祿大夫少傅工部尚書兼謹身殿大學士曾大

母黃大母謝繼阮母劉皆贈夫人公初名子榮字勉

仁自學諸生鄉試選第一會試第三廷對擢第二甲  
賜進士出身入翰林為編修

太宗皇帝入正大統更其名榮初建內閣簡翰林之臣  
七人其中專典密務七人者解縉胡廣淮胡儼金幼  
孜公及士奇也公齒最少最警敏一日晚上出右順  
門召內閣諸臣獨公一人在出江西三司奏章示之  
言吉安鄉民之嘯聚者已悉復業蓋朝廷初有  
間即遣行人許子謨齎敕撫諭子謨行將一月又遣  
都督韓觀率兵繼之如撫諭不下即加兵及是秦至  
上諭公曰觀不至不下其降敕褒公讀奏訖曰計發秦  
之日觀尚在中道未足褒從之自是益重公時四方  
之事方殷七人者旦夕侍左右承顧問受旨退治職  
務且兼稽古纂述之事不虛寸晷



上時步至閣中親閱其勞且視其所治咸稱旨時公尤  
勤勵遂皆進官公進修課數月復進侍講明年改元  
永樂秋公請告歸省又明年春七人皆賜二品金織  
衣且勞之曰天下事成朕與若等同計非若六卿之  
分理也無幾簡翰林之臣十數人兼右春坊官任輔  
導公兼右春坊諭德授奉訓大夫日分直進講史四  
年春公得寒疾命中官以御醫來視賜藥物五年奉  
命往甘肅同總兵議邊務察視守備還奏稱旨六年夏  
喪父給傳歸既葬遂命起復是年冬喪母公奏歸  
守制時已下詔巡守北京不許七年春內閣胡及公  
全公奉命扈從北京甘肅總兵何福奏降虜脫之不  
花等率部來歸命公往同福處置還奏

上悅遂奉詔

命

持節往亦集乃之地封福為寧遠侯八年

春駕北征本雅失里公三人仍扈從至驢駟河命公  
先齋勅還報皇太子復還北京冬扈從還南京九年  
春奉奔母喪遣中使護送既還皇太子命公侍諸皇  
孫學且命公曰嚴則有成公盡心不怠重脩

高皇帝實錄命胡廣胡儼黃淮及公為總裁十  
年二月賜誥命并追贈父母妻冬甘肅

守師



西寧侯宋琥奏

叛寇老的罕逃居赤斤蒙古衛將為邊患時豐城侯  
李彬鎮西陲遂救彬率師勦之且命公往與彬計度十  
二月還奏餉道險阻今泛寒人疲馬瘠不可行且小  
醜不足以煩王師遂救彬旋師無幾叛者復歸十一  
年春從狩北京十二年三月從征瓦剌時

年春從狩北京十二年三月從征瓦剌時

皇太孫侍行

上命胡金及公三人凡行營有暇即與講析理義開其  
聰明尚寶司官關命公兼之既還敕翰林修性理五經  
四書大全公三人皆為總裁十四年陞翰林院學士  
仍兼庶子扈從南歸十五年春復扈從巡北京十六  
年夏進

高廟實錄賜宴賚胡公沒公掌翰林院事益見親密一  
時廷臣狎恩多縱忘公抗直發其私適太學闕祭酒  
眾共舉之實疎公

上不聽公遂密言十弊指斥五府六部都察院章留中  
不下十七年進文淵閣大學士仍兼翰林學士授奉  
政大夫十八年扈從北征秋還京冬將西征親藩奏  
建文中江西所據集民兵可徵用出奏示公公對云

陛下命復民業二十年矣今復徵非信

上曰意固如此遂寢三殿災公偕金公陳便宜十數事皆見施行重賢愛民或臨非辜必援之尚書夏原吉以兵餉不給坐繫呂震言其柔姦侍讀李時勉嘗論事亦有言其責直者皆繳

上怒公悉委曲為之辨解二十一年復扈從西征駐蹕

萬全一切軍務悉付公掌寧陽侯陳懋奏王也生土

干來歸命公往議定降歸奏稱旨二十二年復從

北征中道軍餉不繼

上聞之命公與金公摠計其數遂如二公言遣使諭虜釋其

弗臣之罪下令班師浙江三司奏慶州之麗水福建

之政和山寇劫掠請救兩都司合兵討之公言愚民

為有司所苦出不得已兵出則良民先被害願遣一

為有司所苦出不得已兵出則良民先被害願遣一  
敕使撫諭之不足煩兵

上從之卒如公言無事一日

上從容坐帳殿諭公二人曰東宮監國久熟務改此歸  
悉付以天下事吾惟優游暮年二公共對曰

皇太子孝友仁厚天下屬心允稱

陛下付託

上悅師次榆木川

工不豫既上賓凡沐浴襲奠飯含棺斂一切之禮悉出

二公衆遂推公先馳歸報既至同尚書塞公等議喪

禮遂議即位禮

仁宗皇帝嗣位進公太常寺卿授嘉議大夫仍兼兩職

學士逾月進太子少傅授資善大夫兼謹身殿大學

士山陵事啟太監孟繼極言公盡心喪事

上嘉歎即升公工部尚書仍兼二職賜勅褒諭三俸俱支尚書一俸全給采

洪熙元年賜誥贈二代考妣無幾

上命範白金為方寸印四枚其文曰繩愆糾繆以賜師傳公與金公同受其一昏期之直言匡輔脩

文皇帝實錄公預總裁仁

仁廟上賓時

皇太子監國南京遺詔召嗣位公往迎于德州既還命

公同有司相陵地

宣宗皇帝嗣位脩

仁廟實錄仍預總裁高煦及在廷多懷二心惟文臣三

四人勸

上親征公其首也遂扈從討平之師還特受駢蕃之賜

上親征公其首也遂扈從討平之師還特受駢蕃之賜

馬騏澱變交趾黎利聚眾抗王師搃帥孱弱不支輒  
與利和且為利請立陳氏浚遂以師還奏至

上以示文武大臣皆勸發兵擊利

上不聽竟偃兵息民公預力為是年八月車駕巡邊至

遵化聞虜逼塞下以道隄師維並進

上率鐵騎数千先馳擊之文臣獨公從既還陞少傅進

榮祿大夫仍兼尚書大學士三俸俱支江辭大學士俸

進兩朝實錄賜宴賚又範白金為圖書刻方直剛正

四字以賜公數月

上念先朝老臣蹇義等四人皆春秋高並賜敕褒諭命

輟職務朝夕左右侍論議公預馬賜玉帶加有御製

詩畫之賜公滿三載吏部以聞賜勅有忠言謹論裨

益為多之褒賜宴禮部遂賜少傅誥進封三代後兩

扈從巡邊皆至洗馬林而還

宣廟上賓公渡偕有司相陵地

皇上嗣位公與同官三人協志合力以效裨益賜賚特

厚脩

宣廟實錄皆為總裁書成進公光祿大夫柱國少師兼  
尚書大學士如故賜玉帶時

上日勤聖學命公同知經筵事五年謂告省墓賜褒敕  
諭加厚賚給傳遣中官護送既還京道薨春秋七十  
公仕于朝四十年皆居清密考鄉試者一讀廷試卷  
九為人闔疏果毅遇事當為奮前不疑于論古人必  
欲出新見不肖苟同議辟率歸寬恕勤職事盛寒暑  
及小疾未嘗少怠于四裔及邊徼事及邊將勇怯智  
愚靡不通知故忖量事勢率豫中內篤孝友睦婣之



愚靡不通知故付量事勢率豫中內篤孝友睦姻之

行家故豐裕且有厚祿能濟窮恤患無間䟽戚喜賓  
客善交際雖貴盛無涯岸貴賤大小皆歸心焉故聞  
其沒也咸有嗟悼悵惜之意所著文章有默菴集雲  
山小藁靜軒藁退思集北征記訓子編藏于家元配  
劉贈夫人繼劉封夫人子男六恭讓錫陽貴芳貴通  
女七孫十二奏儼倫俊儉佶倣佐侔偉伯儀孫女七  
曾孫女二士奇與公同僚三十有九年同事

四聖令內閣舊臣唯吾兩人未能退公又溘先余逝公  
之塋其子屬少保楊公書墓上之石余銘諸幽嗚呼  
凡今能文士大夫感公之德述公之行雖有之矣若  
交之久知之深言之信者余兩人其庶幾可無媿也

銘曰桓文敏通才傳識遭際

聖明光奮于績承明延閣著作之庭以翔以翔舒華振

英北裔西垂從狩萬里職典者文亦兼知武羌虜胸臆師垣弱強重瞳屢顧敷奏惟明晚陟三孤二公弘化恪恭朝夕敢或遑暇

帝懷敦仁鞠躬承之民懷被福龜勉成之志存寬惠行在果斷嘉謀讜議褒書有煥予告南旋曾筦何時上銘其四公壽考終哀榮寵光於乎文敏歿也不止

少保文定楊公言行錄溥

楊溥字弘濟湖廣石首人進士歷仕洪武正統間位至少保卒年七十五謚文定

仁宗一日東宮觀漢史歎張釋之不易得公進曰釋之誠賢朕非文帝之寬仁由得行其志臣以為釋之漢一時不易得如文帝三代而下不易得也退採文帝事編為事類以獻

仁宗甚悅賜書褒美名臣贊

先生在獄中十餘年家人供食數飽糧又

上命莫測日與死為隣愈勵志讀書不輟同雜者止之  
曰勢已如此讀書何為曰朝聞道夕死可矣五經諸  
子讀之數回已而得釋晚年遭遇為閤老大儒朝廷  
大制作多出其手實有賴于獄中之功蓋天王成之  
如此為人謙恭小心接吏卒亦不敢慢初入鄉試為  
首選胡儼典文衡批其所刊文曰初學小子當退避  
三舍老夫亦讓一頭地又曰立玉階方寸地必能為  
董子之正言而不效公孫弘之阿曲人以儼為知人  
後儼為祭酒先生已在禁垣位望益高終身執門生  
禮儼亦不辭人兩高之古穰雜錄

公祭座主胡祭酒先生曰區區昔承見許于文字之

間繼而忝同官得相從者二十餘年先生致仕以音  
問往來者又二十餘年區區夙夜砥礪唯恐負先生  
所知有玷于斯文而未能也文集

楊文定公最善王檢討張脩撰益相見輒出所作就  
二人評有所改易即樂從公亦喜改人文字泰和陳  
學士當筆譏祭文公欲有所易陳忿朕不平見于言  
色公即已之水東日記



嘗聞楊文定公桃符有曰黎庶但教無菜色官居何  
必用桃符宣德正統間名臣稱三楊文貞為西楊文  
敏為東陽蓋以姓同因居第以別之文貞因出江西  
而文定郡望每書南郡乃因以南陽號文定為東王  
則抑菴西王則泉坡蓋亦朕也同上

宣德元年春三月既望太常卿兼翰林學士楊公弘

濟被命歸省其母太夫人于江陵時不得見者十有八年矣先是公由翰林編脩為太子洗馬侍

仁廟于春宮丁先太常府君憂詔奪起侍講筵後屢欲歸寧而竟不果行荐以述晦十年不得快適太夫人年高強食益壯教諸孫綜理家政裕如也公在羈遠念不得見母中抱沉鬱食息殆廢朕聞其康強冀他日必復得見輒用自解永樂甲辰秋公再入翰林為學士賜誥命太夫人受五品封號未數月起拜太常卿推恩上及三代太夫人加封三品國初江陵人有南徼之戍什伍連屬楊氏亦隸籍焉其地在瘴鄉往戍者多不得生還追遠無虛歲太夫人甚歎苦之至是

上優詔復其家公在京師馳書還報而加封之命適至

太夫人披二品命服北向稽顙諸婦孫皆羅拜欣躍  
以至感泣公今又乘傳南還日抵舍太夫人童顏白  
髮雲冠霞帔坐堂上公朱衣象笏于階下諸婦孫先  
後奔走奉觴上壽當此之時更不知天壤間復有何  
樂可以及此也况內帑泉幣白金文綺之錫絢爛稠  
疊拜墓燎黃祭畢而燕樂與父兄宗族侈

上之賜士君子效用于昔沐此光寵可謂盛矣雖朕賢  
才之生天固有以啓之是以明良相逢功業克建而  
令名無窮焉若公之德器材識卓為一代偉人而君  
臣知遇又如此豈偶朕哉送歸省序

自昔叡華謁禁林幾年出處嘆浮沉漢文未許馮唐  
老鮑叔偏知管仲心賜食每當瓊署曉退朝長傍落  
花陰眼中親舊無多在白髮相看意轉深金寔奉味

直弘文閣詩並覺非集

正統九年春脩國子監訖工楊文定公奉旨御製碑  
文定以重建太學為題具稿進呈命范太監持示  
楊文貞公時文貞已卧病乃作一篇以新建廟學為  
題封進用之文定不悅執用其題

文貞具本論凡言重建者謂已作之後又作之廟學  
雖前元所建非國朝事此不可論今既悉徹而新作  
之只當云新建且廟與學二者若只書建太學而不  
云廟于礼未安請通改作新建廟學四字為宜廷議  
雖韙文貞之言朕已刻石無及矣二公之學識于是  
可見寥寥瑣綴

公撰繡林讀書記曰學宮在繡林之陽與龍蓋諸峯  
相望此其讀書處也予自髫髻就傳于茲者若干年

讀書之暇偕同遊登山椒盼長江望洞廷覽雲夢之  
墟天光萬里逸興雲飛有不自知其樂者及出仕途  
歷險夷又若干年今年七十有一追惟父祖教育于  
斯師友訓礪于斯國家作養于斯而寤寐之間未嘗  
不在于斯也渡惟少時拙工呈朴備負翰林由編脩  
迂洗馬以事坐廢若干年渡入翰林迂太常再還禮  
官忝列三少之末仰惟



聖明過蒙拔擢不敢不敬謹從事以圖報萬一况讀書  
終身亦恒以禮自度不敢以夷險易心第由才識疎  
庸年益衰邁而終不能無慙忤于進退之節尚書以  
義制之而不敢昧于所私也  
公年七十乞老上疏曰臣一介書生荷蒙國家作養  
出仕四十五年歷事



列聖叨享廩祿復蒙

皇上厚恩擢居顯秩日侍清光恩禮優厚臣再世再生  
莫能補報臣今年七十有三筋力衰耗耳目昏聩思  
慮不周事多遺忘加以今皆遭疾叨蒙

聖恩命醫調治痊可朕自是血氣益衰日甚一日雖欲  
勉強圖報萬一而力不從心切自思惟有斃而已仰  
惟古昔聖帝明王斟酌人情制為致仕之典

聖朝稽古為治推廣仁心優老恤賢人臣七十得致仕  
不強其所不能以全始終之誼士君子揣分知足明  
于進退不敢貪祿固位以存廉耻之心維時人有士  
行朝無倖位良以此也

公自贊小像云資可以為學而理或有未明時可以  
行道而力有不至緬懷古人夙夜惟礪而莫及焉嗚

呼老矣又自贊待漏像云以一介書生居三公之貳  
峨其冠瑋其珮日近清光談仁道義將為得為  
民以為志乎抑碌庸以保富貴乎聖賢之道匪  
知之艱而行之不易也尚思時之所遭身之所自以  
報萬一庶幾于君親無媿也

李文達公序公文集曰公早掇巍科擢官翰苑進宮  
僚而輔導之功顯入內閣而論思之職脩日備顧問  
于弘文而經濟之畧大展屢任總裁于國史而勸戒  
之義彌彰平生之志于是乎伸矣則其事業豈易及  
哉及觀其所為文章辭惟達意而不以富麗為工意  
惟主理不以新奇為尚言必有補于世而不為無用  
之贅言論必有合于道而不為無定之荒論有溫柔  
敦厚之旨趣有嚴重老成之規模真所謂臺閣之氣

象也平生之學豈不由是而著乎並文集

司寇彭文惠公贊曰江漢炳靈以發文明早居館閣  
晚踐孤卿懲艾思奮處困而亨謙虛好學保泰以貞  
老成體國著龜典刑東里建安叅合成名二十餘年  
光輔太平名臣贊

少師楊公大傳

士奇

王文端公直

公楊氏字士奇其先華陰人南唐虞部府君輅始居  
廬陵再世徙吉水後至允素迺徙居太和故今為太  
和人曾祖景行仕元累官以翰林侍制致仕有傳在  
國史祖公榮父子將皆不仕而皆以文學行義重于  
時公早孤母夫人陳氏教育之甫六七歲告以世德  
之詳公即感奮力學雖甚貧親執勞事朕未嘗廢卷  
時喪亂雖卒而苦無書四書五經皆手鈔以讀海桑

陳先生夫人世父也甚愛公早夜訓飭使成由道年  
十五褒朕為人師學行日益有聞縉紳君子禮重焉  
郡縣交舉為學官皆不就久之朝廷以博學徵入翰  
林任編纂共事者皆天下宿儒推公精博未幾令吏  
部考第其文授以官又以公為第一授親王府審理  
副朕猶執筆在翰林

太宗皇帝即位遂擢為編脩時方開內閣于東角門內  
命解縉黃淮胡廣胡儼楊榮金幼孜及公七人處其  
中與機密尋陞侍講

上嘗諭公曰朕知爾文學親擢置此爾但盡心勿自疑  
畏公感

上知遇忠勤不懈早夜孜孜以脩其職

仁宗皇帝為皇太子又以本宮兼左春坊左中允益見

仁宗皇帝為皇太子又以本宮兼左春坊左中允益見  
寵任文華殿當講大學公呈講義于

上前覽畢

上曰先儒謂堯典克明峻德章一部大學皆具公因奏  
曰二帝三王所以脩諸身施之國家天下皆大學之  
道

上復曰孟子道性善言必稱堯舜講說之際必以前古  
為證庶幾易入侍講學士王達講軋九四舉儲貳為  
說

皇太子疑其言問公曰此宋儒胡瑗說也曰與常人  
言亦舉此說乎公曰程子嘗言卦中六爻人各有用  
聖賢有聖賢用衆人有衆人用君有君用臣有臣用  
無所不通王昭素嘗為宋太祖言之矣講臣非有據  
豈敢妄出意見哉

皇太子嘗閱真德秀所輯文章正宗喜其有益于學者  
公曰德秀道學之儒志誠甚正其著大學衍義尤有  
益于朝廷君臣皆不可不知  
皇太子即取視且命雕刻以賜諸子亦以賜公曰予倚  
卿為輔卿亦當留意也饒州士人朱季支獻所著書  
并瀛洛閩閩之說

上覽之怒曰此儒之賊也時禮部尚書李至剛翰林學  
士解縉侍讀胡廣及公侍側

上示之其書縉曰惑世誣民莫甚于此至剛曰不罪之  
無以示儆宜杖之搯之四裔公曰當盡燬所著書庶  
幾不誤後人廣曰聞其人已七十燬書示儆足矣  
上曰謗先賢毀正道治之可拘常例耶遣行人押季支  
還饒州會布政司及府州縣官與其鄉士人明諭其

還饒州會布政司及府州縣官與其鄉士人明諭其

罪而答以示罰悉索其所著書焚之

上復諭群臣曰除惡不可不盡悉毀其所著書寔是廣

東布政徐奇朝京師載嶺南藤篋諸物將以遺廷臣

或得其算目以進

館

上閱視無公名乃獨召公問故將以私交罪之公曰奇

自都給事中受命赴廣時衆皆作詩文贈之故有此

餽臣不與名者以當時病未有作不賦亦不免今衆

名雖具朕受否未可知且物微甚當他無

上意解命中官燬其目一無所問陞左春坊左諭德兼

侍講禮部尚書鄭賜為侍郎趙羽所問憂鬱感疾勉

強奉職如平時忽以卒告

上疑其自盡召翰林諸臣問之衆未及對公進曰臣觀

賜病數日但未敢即安昨晚同立右順門下賜忽仆

地旁人恠賜無人氣臣遽命其屬官掖出午門外  
上聞公言曰微汝言幾悞疑賜：本君子顧才不足耳  
命工部與棺禮部往祭之六年冬以巡狩北京詔告  
天下命公視草

上稱善又命與諸尚書觀之兵部尚書劉備私于公曰  
請以有字易自字公善之衆謂二義不相遠且

上既稱善不必易公奏曰國家大體當用儻言

上喜公能服善曰則何有敗事由是益屬意于公明年  
車駕巡狩北京

皇太子監國

上命蹇義金忠黃淮與公職輔導義于事多疑少斷常  
持兩端曰事當熟慮不朕必有後憂公曰事豈得不  
思但多思則惑惟當據理而行



思但多思則惑惟當據理而行

皇太子聞而笑曰此須兼知仁勇自今擇事議當理者從之不必多思致惑也朕

皇太子知公誠篤惟公言是從或初若有疑而終必見用由是少有闕失而上下安春坊贊善王汝玉每以詩法進

皇太子以問公曰詩以言志明良喜起之歌南薰之詩可見舜之志漢高祖大風唐太宗雪耻酬百王除兇報千古之作所尚者霸力非王道漢武秋風辭志氣已衰若隋煬帝陳后主皆淫靡不足道殿下明經講道之暇娛意文事兩漢詔令皆可觀非但文辭高古亦可裨益治道詩非所急也

皇太子曰儒者亦作詩否公曰儒者固皆作詩朕儒之品有高下有德行之儒有經濟之儒專意詞章君子

謂之俗儒人主尤當辨于此

皇太子喜讀易凡決疑必用著而以易斷命公取朱子  
本義纂其要以進名周易直指公因進曰易固為卜  
筮作然文王周公孔子所繫辭凡脩齊治平之道悉  
具請編輯以備親覽書成以進名曰周易大義九年  
上還南京一日退朝召公問曰爾輔東宮久果何如公  
以孝敬對

上使言其實對曰凡有事宗廟祭品祭器皆親閱去年  
將時享頭風作醫言當汗殿下曰汗即不敢泣祭左

右請遣人代升之曰

浙

上以命我又可遣人代乎遂親祭畢汗遍體勿藥疾  
自愈每進御用物皆躬閱封識遣行不輕信下人車  
駕北征殿下不敢寧居恒日中晷始食駕還而後能

駕北征殿下不敢寧居恒日中是始食駕還而後能

安

上曰此子道當然公曰古聖賢亦皆盡其當然者且殿  
下天資高或有過未嘗不知之未嘗不速改又其  
存心以愛人為本將來必不負陛下付托之重

上悅十二年正旦日食先數日

上問禮部及翰林諸臣正旦日食百官行賀禮乎尚書

呂震曰日食與朝賀不同時當賀侍郎儀智曰終然

同日宜免賀公對曰日食天變之大者也宋仁宗時

元正日食富弼請罷宴徹樂宰相呂夷簡不從弼曰

萬一契丹行之為中國羞後有自契丹還者言虜是

日罷宴仁宗悔今誠宜免賀

上曰君子愛人以德士奇與智言是也遂免賀及宴十

四年

上在地京聞高煦有異志還京師欲發其事疑未決獨  
召公問曰昨問蹇義漢府事對曰不知若朕有未知  
爾輩疑有離間不敢言今朕既知矣爾言之何害公  
對曰臣與義事東宫外無敢與臣等言者但漢王始  
封國雲南不宥行改青州又不宥行今知將徙都北  
京惟欲留守南京天下皆疑其心惟陛下善處之使  
早有定所全父子之恩為永世之利

上默然起還宮後數日悉得其反狀及所為戰具大怒  
褫其冠帶繫之西華門內東宮力掄解乃免遂命削  
其兩護衛處之樂安州曰去此北京甚通即其作禍  
可朝發而夕擒也是冬周王楚王來朝謁 孝陵  
上命東宮皇太孫及諸皇孫陪謁問翰林諸臣拜位當  
何如衆疑未有言公對曰二王尊屬當分列在前東

何如衆疑未有言公對曰二王尊屬當分列在前東

宮稍後屋中皇太孫又後亦屋中諸皇孫與太孫同班而分列兩傍

上出片楮所書位次與公言合然下有六字未書授筆命工足之遣鴻臚寺丞周昇持赴陵俾率行之少頃復命以宸翰

上遂以與公寶藏之至今存焉皇太孫勤于學問

上命吏部翰林舉老成正大儒者侍講讀公與蹇義舉儀智衆以為老公曰儀智道理明執守正精神不衰老成正大廷臣未見其比

上聞之喜曰智雖老識朝廷大體能直言不阿向言元正日食宜免賀朕知之可謂得人矣二十二年八月太宗皇帝北征上賓學士楊榮歸自行在以聞

仁宗皇帝即遣皇太孫往迎梓宮時京兵皆隨征在外

城中空虛慮趙府兵為變因秘未發喪

皇太上然之顧急未有所與以問公言

上所用東宮圖書今請暫假之行此一時之權歸即追

納

上即取付太孫曰有啓事以此封識此亦久當歸汝

就番之既而謂公曰卿言誠是昔大行臨御儲位久

未定浮議喧騰吾今就以付之浮議何由興且曰朝

廷事卿與蹇義當究心吾當重用卿二人也公曰殿

下嗣位事無大小皆當盡公此收人心之机也息之

所及必先扈從征行之臣漢文即位首進宋昌史書

以為貶臣兩人不應先及

上初即位有詔減冗費而惜薪司准常例賦北京山東

棗八十萬斤為香炭之用公入奏曰詔下甫二日而

即有此雖云止歲用得無過多

藁八十萬斤為香炭之用公入奏日詔下甫二日而  
即有此雖云歲用得無過多

上曰數日事業朕此蓋急遽中答之不暇致審耳即命  
減其半九月癸未尚書呂震言于

上曰今喪服已踰二十七日請如

太祖倣漢制易吉服

上時未有答震退徧語群臣明旦易從吉公謂震曰念  
未可比此例蓋洪武中有遺詔且

仁孝皇后崩

太宗皇帝哀服後仍素服衣冠經帶者數月今

上于皇考可遽即吉乎震厲聲曰朝廷事爾每執異尚  
書蹇義兼取二說明旦群臣皆就衣冠黑角帶遂以

聞

上亦未答明旦

上素冠麻經出視朝臣文惟學士武武臣英國公如  
上所服罷朝

上諭左右大臣曰呂震昨奏當易服朕聽臣下易之梓  
宮在殯吾豈忍易士奇所執是也公自左春坊大學  
士進禮部侍郎兼華蓋殿大學士尋陞少保翰林以  
公等所受誥草進呈

上取筆親增二語曰勿謂崇高而雜入勿以有所從違  
而或怠顧謂公等曰此實朕心卿其勉之公對

聖德能容臣等敢不勉昔富弼有言願不以同異為喜  
怒不以喜怒為用舍成湯改過不吝所以為聖人願  
陛下常以古人為法陞少傅階榮祿大夫時天下方面  
大臣及群有司皆朝京師兵部尚書李慶言于

上曰民間馬畜蕃以散之軍伍尚餘數千請今朝觀官



上曰民間馬畜蕃以散之軍伍尚餘數千請今朝觀官

領之少蘇民力正官領牡馬佐貳官領牝馬太僕寺苑馬寺歲課其息有虧罰與民同公謂慶不可慶念不納公獨奏曰朝廷求賢任官今乃使養馬而課責與民同豈貴畜賤賢之意乎明日復奏曰必行此令天下賢者誰復官仕蓋虧損一馬必責陪償破家產累子孫朝廷可為負此名于天下後世乎

上許出內批罷其事不報明日公又言兵部已督朝覲官領馬所領多駒南人脆弱不能控制立視其奔逸號泣于道路臣恐將來遠慮者非但不願仕亦無志學問此令之失非小

上曰吾偶忘之當即批出不爽也午刻

上御思善門召公諭曰內批豈真忘之朕聞李慶呂震輩皆念卿念孤立恐為眾所傷言不欲回卿言而罷

今有名矣出示一章乃陝西按察使陳智言畜馬不  
便命公據此草勅止散馬公頓首言陛下知臣不  
孤矣但馬已領者當何如

上曰已領者准洪武中官員乘例不責生息虧損不責  
償未給者止勿給渡謂公曰繼今令有不便惟密與  
朕言李慶輩不識大體不足語也

上以梓宮在殯命禮部尚書呂震新正朝儀不用樂及  
鴻臚習禮儀仍用蓋震主之公與黃淮等入疏言前  
已議不用樂今仍用不可乞勅禮部設而不作未報  
乃復奏侍廷中至夜漏下十刻遂有旨如公言越  
三日

上召公等諭之曰呂震每事誤朕卿等所奏停樂是臣  
以能直言為賢如用震言今悔何及洪熙元年正月

以能直言為賢如用震言今悔何及洪熙元年正月

命公兼兵部尚書公辭曰臣為少傅大學士已踰涯分尚書一職更不敢當

上厲色曰黃淮楊榮金幼孜皆三職卿獨二職人將謂何卿勿辭公請辭俸

上曰卿于朕勞勤二十年故賙以此祿何用辭公曰尚書月俸六十石可養壯士六十人臣受二俸已過分安敢渡加尚書蹇義言宜聽辭學士俸公言辭祿當辭厚何用取虛名

上曰朕成卿志乃聽辭願義曰廉貪之風士奇有焉于是黃淮亦辭戶部尚書俸

上監國時御史舒仲成嘗以事逆旨後已陞為湖廣按察副使矣及即位尚書蹇義因以他事奏仲成即命都御院逮治之公上疏曰向來小人得罪者多

陛下即位皆宥之今追理仲成郎詔書不信漢景帝為太子召衛綰不赴即位用綰前史臆

上喜即罷治仲成賜公米及鈔幣且降勅獎諭曰卿導朕以仁助朕以德欲朕為唐虞之君誠忠臣股肱之臣也有卿如此朕復何憂洪熙元年二月

上以田二頃賜公時蹇義先以受賜公懇辭

上曰卿事朕表裏一誠資益良多朕心不忘卿前辭祿今又辭田何執之固也公曰臣起自寒微今受恩踰分豈可不知止是幸少延殘喘得更事

陛下三二年獲全歸山林受賜多矣

上曰汝勿憂終身吾送汝入土身後事皆勿憂公曰

聖仁在上臣復何憂遂聽辭明日諭蹇義曰士奇真能廉使仕者皆如此世豈有賊吏乎四月人上書頌

庶使仕者皆如此世豈有賊吏乎四月人上書頌

太平者

上以示公及蹇義夏原吉楊榮義等曰

陛下即位所行皆仁政百姓無科歛徭役可謂治世矣

公對曰

陛下恩澤已敷但流徙尚有未歸瘡痍尚有未復遠近

猶有艱食之人須再休息二三年庶幾人皆得所

上笑曰朕與卿輩相與出自誠心去年各與繩愆糾繆

圖書切望匡輔惟士奇魯上五章朕皆從所言卿三

人未有一言豈朝政果無關生民果皆安乎卿輩吾

所倚任事有未當皆須直言勿有所隱大理少卿戈

謙數言事過于矯激尚書呂震吳中都御史劉觀侍

郎吳廷用等交奏其賣直沽名

上頗厭之公進曰謙雖昧於大体蓋亦感恩圖報耳古

人有言主聖則臣直惟

陛下容之

上以衆言猶不懌因免謙朝而使視事如故公又進言

曰

陛下有詔求言：不當者不之罪今謙因言取咎朝臣皆以為戒且四方朝覲之臣咸在豈能盡知謙過失若傳之遠人將謂朝廷不能容直言

上惕然曰朕非惡謙言事其言自有過實者卿可以朕心諭衆人公曰此非臣言所能言當以璽書開諭可也

上遂命公書勅引過而待謙如初令百官言事毋以謙為戒由是天下知聖德之實

上念公匡輔之力賜公璽書其畧曰朕膺監國之命而

上念公匡輔之力賜公璽書其畧曰朕膺監國之命而

卿侍左右同心合德狗國忘身屢歷艱虞曾不易志  
及朕嗣位以來嘉謨嘉猷入告于內期予于治以惠  
黎元正固無二簡在朕心茲以己意創製揚真一印  
一枚賜卿用藏于家傳之後世惟卿子孫由是知卿  
克致顯榮不易惟艱思保守之惟朕子孫亦由是知  
卿弼之朕功以保全爾與國咸休永世無斁

上嘗論科舉須是取南北士

圖

上曰北人學問不逮南人公曰長材大器多出北方豈  
但南人有文可用也

上曰然則將如何公曰試卷例緘其姓名請于外書南  
北二字如當取百人則南六十北四十南北人材皆  
就用矣

上曰壯士得進則北方學者亦感發興起往年壯士少

自科日進故怠惰成風卿言良是往與禮部計議以  
議定未上而宮車晏駕

宣宗即位遂行之宣德元年高照反車駕親征罪人既  
得尚書陳山來迎見

上請乘勢移師彰德襲執趙王則朝廷永無憂矣

上疑之以問楊榮力贊其決又語蹇義夏原吉二人

依違其問榮遂傳旨令公草勅誥趙王公曰事當有  
實天地鬼神其可欺乎今當以何為辭榮曰令逆黨  
言實與趙謀即是矣何患辭公曰如此能服人心  
否乎往見蹇夏及復言不可狀蹇夏曰即如公言當  
若何公曰朝廷重尊屬厚待之有疑則嚴防之當必  
無虞而國體正矣二人曰

上今特信榮言不係吾輩可否也公復見榮曰



上今特信榮言不係吾輩可否也公復見榮曰

太宗皇帝惟三子今

上惟二叔其有罪者不可恕無罪者當加厚庶幾仰慰  
皇祖之靈榮意未解曰汝不草勅則吾當以聞時惟楊  
溥與公意合溥曰吾二人俱請入見明其大義榮先  
趨入公二人繼之門者不內俄復召蹇夏蹇夏以公  
言白之

上不懌而止車駕還京師意大吾不復論彰德事然言  
者猶喋

上皆不聽特召公曰論趙王者日益多當如何公對曰  
今日宗室惟趙于

陛下宸親當思保全之豈可惑群言

上曰吾亦思之

皇考于趙最友愛且吾惟此一叔奈何不愛今思所以

保全之道欲封羣言示之俾自處公曰更得一璽書  
諭之尤好遂遣廣平侯袁容都御史劉觀持敕書往  
諭且示以衆言趙王得書喜曰吾生矣即獻護衛上  
表謝恩而言者頓息

上待趙王日親厚而薄陳山竟所斥之久之召公諭曰  
吾待趙叔不失親之禮爾有力焉賜公白金文綺  
諸幣二年十月黎利遣人進前安南陳王嫡孫暲表  
乞立為陳氏後嗣甚懇切

上亦厭兵欲從之大臣有言此黎利之譎當亦發兵誅  
之或以為與之無名徒爾示弱

上召公與楊榮謀之榮曰永樂中費數萬人命得此至  
今勞者未息困者未蘇因其請而與之便公曰榮言  
當從初求立陳氏後者

當從初求立陳氏後者

太宗皇帝之心求之未得乃郡縣其地數年來兵民

困于交趾極矣此皆

祖宗之赤子體 祖宗之初心保 祖宗之赤子正

陛下盛德何謂無名漢棄珠厓前史以為美何謂示弱

臣侍

仁宗皇帝久聖心每憾此事有意外之慮願

陛下勿疑

上意遂決五年二月

上以四方屢有水旱欲下寬恤之令獨召公議之

上曰被灾之處稅糧首當免民間有欠孳畜馬騾官責

償甚急民苦之亦所當恤凡爾所知者當悉為朕言

公曰百姓積欠薪芻及採買諸物官府但知督責而

民不能輸官糧額重民困無聊多有委棄逃徙者當



量與減除部符生徵買辦諸物不問其地有無一概  
趣辦民費價十倍不能完唯當于產有處取之無者  
勿強也年來刑獄不清旱潦恐由于此宜戒飭法司  
敦用平恕務求實情四方工匠丁男皆徵集京師役  
于公者無幾受師役者十六七身既勞困而妻孥  
顧未免怨歎當命官察治丁多免其半軍丁者皆免  
老病無丁者除其籍其本非匠誣引為匠者察貫除  
之今軍民若漕運而倉廩無闕防姦盜相繼恬不畏  
法宜命風憲官巡察

上稱善即書勅明旦行之民大感悅七年二月

上諭公曰憶前下令恤民今已再期民事不又有可恤  
乎公曰官田減租民間皆感聖恩而戶部不行追如  
舊此循習之弊

上色怫然曰今欲再下勅寬恤必舉此為首如再格不

上色怫然曰今欲再下勅寬恤必舉此為首如再格不行必罪之因問事之當寬恤者公曰逃移之民朝廷既赦使渡業而家業盡喪又有公逋私債之擾所在官司不能恤則必逃聚山林相結為非請下有司凡逃民願歸者郡縣善撫恤免其征徭不願歸者聽于所在附籍給以閑田為經營居處免徭役三年庶使得安

上曰在彼在此皆吾民但得人安足矣公又言各處課程先因鈔法不行加倍徵納蓋一時權宜今鈔法頗通宜減倍徵之額天下課程皆納鈔惟湖廣、西浙江商稅魚課舊皆納銀請裁為一例

上命納銀一兩者折鈔百貫又言小民之不安皆原有司貪暴請令風憲考察

上曰然若有廉能者亦令以名聞將用之公又言方面  
及郡守請令京官三品以上及布政按察荐務取公  
廉端厚能為國為民者吏部審其可用奏授以官後  
犯贓罪併坐舉者凡因保舉授官如有指告其罪者  
先逮問餘人有驗狀後及之庶不為小人所誣年來  
吏員太冗多有昏愚不通請令六部都察院翰林院  
同考試選擇而用之軍民中有文學才行卓然出衆  
智謀才勇精于武畧者亦宜察舉唐虞之世罰弗及  
嗣今極刑之家有賢子弟例不許進用

上曰舜殛鯀用禹聖人至公之心也今除謀反大逆外  
其餘犯者子孫有文學才行並聽用公又奏臣見聞  
不廣願命大臣謹厚者一人共議之得推廣仁恩徧  
及天下

上以胡濙謹厚命與公密議凡可行者悉以進事皆施

入行今

上即位之初憐以天下為心率其同列首言當整肅  
軍政飭邊防以奠安百姓南京根本之地雖有襄城  
伯李隆守備其老成忠直如尚書黃福當令參贊軍  
務有事同議而後行庶幾無闕湖廣河南山東江西  
去年旱灾人民艱食慮有嘯聚為非者宜委文武大  
臣各一人往鎮之事定而歸緣邊將士所以警備非  
常其無馬者宜令于行在太僕寺苑馬寺關用西蕃  
諸處貢馬有可充邊用亦聽留官員冗濫宜從吏  
部及內外風憲官考察近詔寬恤軍民內外諸司當  
体朝廷之意凡事務從減省宜令條奏事有應者自取  
上裁詔皆如所言公等又上疏曰

皇上肇登寶位上繼列聖下統萬邦必明堯舜禹湯文武之道以興唐虞之治去年十月

宣宗皇帝詔臣士奇曰明年春煥東宮出文華殿讀書

凡內侍從俱用慎擇賢良廉謹之人臣謂此第一事

望

書

皇上留心不幸大行上賓臣未敢遽言然此事至重伏望山陵畢日早開經筵以進聖學其所條奏惟在慎擇儒臣及左右侍御之臣其學術不正立心行已頗僻者皆宜屏遠使不得上惑聰明宗社生民之福實關于此疏奏

上與太皇太后皆嘉納焉

太皇太后遂告諭公等專以擇講臣為務尋陞少師特進光祿大夫柱國同知經筵事公又念今遣御史清

軍有以陝西山東河南北直隸之人往南方極邊補



軍有以陝西山東河南北直隸之人往南方極邊補  
伍者兩廣四川貴州雲南江西福建湖廣浙江南直  
隸之人往北方極邊補伍者其水土不相習南人死  
于寒凍北人死于瘴癘且去鄉或萬里或七八千里  
道路遙遠困于無資多致死亾深為可惜在

祖宗時已除逃軍仍舊其餘軍丁南北各就近衛服役  
之令兵部以文移煩勞憚于改發不念下人之艱苦  
不思兵備之無實遂與少保楊溥計議具疏而率同  
列上之且曰臣愚欲以今後清出山東山西河南陝  
西北直隸軍丁皆發甘肅寧夏延安大同宣府永平  
遼東諸處雲南兩廣貴州四川湖廣江西福建浙江  
南直隸軍丁皆發四川雲南貴州兩廣及邊海衛所  
待補足其缺又以填腹裏之空則兵備有實下人不

困

上命公侯大臣議行之天下便焉又言堯湯之世不免水旱而堯湯之民不至甚病者有備故也我

太祖皇帝薦意養民其于備荒皆定制天下郡縣悉出官鈔糴穀各于四鄉置倉貯之以時歛散又相其地宜開浚陝碧脩築圩岸閘埧以備水旱小大之民各安其業此萬世之利也歷歲既久姦弊日滋豪猾侵漁穀盡倉毀凡諸水利亦多堙廢或被占奪稍遇凶灾民無所賴風憲不舉守令漫不究心事雖若緩所繫甚切請令戶部擇遣京官廉幹者往督有司凡豐稔州縣各出庫物平糴儲以備荒陂塘閘埧皆令脩浚具實奏聞若有灾之處則候稔歲而後行郡縣官滿兼以此之廢舉為殿寢風憲官巡歷各務稽考仍

有欺弊怠廢者具奏罪之若巡歷不至不復問理聽

有欺弊怠廢者具奏罪之若巡歷所至不復問理聽其堂上官糾治庶幾官有實積荒歲人民不至狼狽耕農無旱潦之虞仁政所施無切于此

上曰此祖宗之良法美意命戶部亟行之時有言方面官及府州正官專用保舉即是息出于下欲如洪武永樂故事皆令吏部選除

上命公與楊溥等議之公等上疏曰宣德七年以前藩憲二司及府州正官多不得人百姓受害是以

宣宗皇帝勅令大臣舉保自茲以後多得其人間有一二非才蓋緣舉主審察不至亦或實是徇私所司不行糾舉以致如此大桓

宣宗皇帝求賢養民之心皆上體祖宗之心非是有所更改昔堯舜禹湯文武及我朝祖宗相承為政皆有

因時損益之宜

宣宗皇帝臨御之時體祖宗之心以行仁民之政者尚  
多保官乃第一事當時不聞人有異言多以得人為  
喜唐太宗力行仁義命在京三品以上官舉郡守縣  
令後來致天下斗米三錢之効明鑒在前可無疑也  
聖旨所諭保官則恩出于下切緣衆臣舉保吏部審擇  
具名奏請聖意允俞朕後授官不允即不得除授恩  
實非出于下也近年有等京官無人舉保造為誘語  
專欲黎懷

先帝良法則小人皆得升用小人日進君子日退天下  
何由治平伏望聖斷只依

先皇帝勅旨而行但所舉之人後有犯賊必須明正舉  
主之罪則人知警畏不敢濫舉官必得人臣受四朝

主之罪則人知警畏不敢濫舉官必得人臣受四朝

大息慚無寸補惟念用人賢否生民休戚國家治忽  
所關是以竭誠盡心惟聖明裁擇詔如公議五年公  
開四方雨澤不定率其同列上疏曰

皇上臨御以來凡百科徵一切停罷官府通欠悉皆宥  
免民生既安天休當應朕今猶旱灾者豈刑獄或未  
清欵聖心憐切惟在施不慮恐理官奉行未至乞令  
三法司精選其屬清廉仁厚公正無私者數人賜之  
以敕分行天下審囚錄犯親誥州縣召集里老親隣  
審問實情具奏處置不令有冤輕罪有疑者即與決  
斷不得淹禁致傷人命兩京法司悉與疏理庶几可  
以回天意從之公文庄朝廷處宥密之地言動以理  
不苟為異同亦不惑于利害惟以忠誠結主知而  
仁宗皇帝知公尤深由是

太皇太后亦知公為

宣宗皇帝嘗奉

太皇太后往謁陵公與蹇義楊榮等皆從上傳

太皇太后旨命公等進見勞問慰勉加以厚賜既數日

上諭公曰太皇太后為朕言皇考往年在宮中談卿等

姓名及行事甚熟太后悉能記憶其間才學優劣執

宥任事不任事皆有幾評言蹇重厚小心位多思少

斷卿能持正言不避迂意議事之際

先帝數不樂卿然能從卿言以不敗事嘗有小失甚悔

不用卿言太后又謂朕曰凡正直之言爾不可以為

迂而不從謹之公對曰

太皇太后之盛德

仁宗皇帝之盛德也願陛下常奉聖訓公處心公正論

事必當大體常扶君子而抑小人群臣有罪譖毀而

仁宗皇帝之盛德也願陛下常奉聖訓公處心公正論

事必當大體常扶君子而抑小人群臣有羅譖毀而  
非辜者必盡誠為之伸解有恣貪邪不悛者必正言  
其不可用三朝史事皆公總裁是非悉徵諸實  
每與同列曰天下萬世之事當以天下萬世之心處  
之如有一毫出于私意不論厚薄皆當獲罪神明所  
舉賢才列于中外者五十餘人皆能正己恤民蓋公  
取人必先德行而後才能無問識與不識博狗于衆  
而信乃舉以此不得于公者怨誹忿興不卹也直道  
而行不為阿徇永樂宣德中同列有譖公于

上者皆賴

上明不聽公聞之亦不為憾待其人如初薦故舊解縉

尹昌隆之死言于

仁皇皆存其後公秉謙執虛未嘗自滿薄利薦義壯老

一心直嘗觀之宋歐陽文忠公以道德文章名天下其功業之盛亦既顯于當時若君臣相得內外無間享其福祿榮名而久于其位蓋未之能也今公德行文學表也為四方之望議論政事施于朝廷者四十年君明臣良志同道合軍國之務知無不言而言無不盡典冊制命皆出公手在位之臣事有可疑者一于公決之若公者非書所謂商者成人詩所謂王之蓋臣也與公嘗以其進于

上之命于公者備錄成書曰此

列聖大德所寓也何可忘哉直從公久其愛教為多而知公亦深公之細行皆可書當別有備載之者姑取其

事有關於天下國家之大者為之傳使後之君子

有考焉

贈太師  
謚文貞

正統九年三月甲子卒年八十

子三稷  
孫六昱晟嵩暉晏昕



皇明名臣琬琰錄卷之二

后集

祭酒文毅李公言行錄

楊尚寶

李時勉名懋字時勉以字行江西安福人進士歷任  
永樂正統間官至祭酒卒年七十七謚文毅  
先生少負大志勤于學問窮性命道德之奧于書無  
所不讀永樂間取進士第

太宗皇帝銳意文學擇進士之尤者俾盡讀中秘書學  
古為文辭先生與焉其文學日進有盛名以母憂去  
居喪務盡禮服除授刑部主事而所治無冤人與脩  
高廟實錄成授翰林侍讀先生自以蒙恩厚思所以報  
殊遇凡事有當言者輒以聞

上亦多聽納雖甚恃終不謹

宣宗皇帝尤矜容之陞侍讀學士待之加厚賓興之歲

三命典文衡

上臨軒策士則命讀卷人皆以為公正統初

上御經筵命先生兼經筵官每當進講必盡誠敬莫有所感悟

上亦為之傾聽聞者莫不稱善以為范淳夫其人也時太學缺祭酒而難其選諸公皆謂莫如先生相與言于

上遂以任之諸生數千人皆習經統先生開導訓誨各因其才而必窮其旨趣俾有所領解如飢者得食渴者得飲于是小大皆有所造就病者有醫死者有歸其未娶者俾有室皆先生出資為之倡而仁義之行成焉諸生事先生亦如子之事父有急必赴雖厄難不避賢才之盛蓋彬為車駕視學行釋菜禮退御

不避賢才之盛蓋彬：為車駕視學行釋菜禮退御  
彛倫堂祭酒當以經進講而先生久病嗽人疑之至  
是升堂愈敬慎色溫氣馥賜坐西南隅講尚書闡明  
帝堯所以親：仁民協和萬邦之道辭旨清遠聽者  
忘倦

上為之喜甚賜予有加 王直撰墓表

李時勉在翰林直言進諫

仁廟怒命力士打十數瓜不死泪

宣廟即位察其忠復召入翰林拜學士自後不聞直言  
矣正統時為祭酒倣胡安定教隨其器而造就之諸  
生勃然興起人才遂盛于一時待諸生息義兼盡有  
病者委醫調治死者助其棺衾為文以祭之後王振  
怒其持儒禮搆以罪枷于監門諸生不忍願代者甚  
衆獲免未幾乞歸士林高之亦可謂明哲保身矣

雜錄

李先生為祭酒嚴毅正大極意造就人才督勵尤切  
夜讀務盡二更將五更命膳夫提鈴循門喚起讀書  
或自潛行察勤惰無燈者明日責罰自是燈光達旦  
書聲不絕可齋雜記

洪熙改元文毅克講席奮忠謹動天地而感鬼神繼  
司成均諸生愛之如父母晚路權璫執命文毅見辱  
石大用代死諸生號救闕下者數千人羅倫跋帖  
於予剛士浩然正氣博文有養學自中秘危言峻行  
歷事四帝臣身百折臣心不替學士司成奸驕我忌  
荷校願代門徒之義歸老于田名儒風致彭韶撰贊  
尚書文端王公神道碑銘  
李文達公賢  
公諱直字行儉別號抑菴系出瑯琊晉太傅導之後

也尊輔東晉遂家金陵後數世有崇文者仕唐為吉

尚書文端王公和道... 公諱直字行儉別號抑菴系出琅琊晉太傅導之後  
也導輔東晉遂家金陵後數世有崇文者仕唐為吉  
州刺史因家吉州又數世孫贄仕宋為戶部侍郎徙  
居秦和代有顯人曾祖以道祖子興隱居不仕父伯  
貞仕國朝為肇慶知府俱以公貴累贈少傅兼太子  
太師吏部尚書妣皆贈一品夫人公早喪母而父以  
事去賴祖母李夫人撫育自幼端重異于常兒家貧  
力薄刻苦讀書永樂改元遂領鄉薦明年登進士第  
時

太宗皇帝篤意古學詔選進士曾棨等二十八人為翰  
林庶吉士俾讀中秘書冀成遠大之學公在選中感  
激奮志不數年文辭追古作者

上以公卓越諸士召入內閣凡机密之政屬執筆焉尋  
授翰林脩撰車駕巡幸北京

仁宗為皇太子監國留務之重選任尤嚴時翰林則留黃淮楊士奇與公三人輔導公夙夜勤慎不懈中外咸倚重之及再幸北京公在扈從遂與脩

太祖實錄未成以憂去服闋仍入翰林陞侍讀

仁宗即位進侍讀學士

宣宗為皇太子慎選官僚首陞公右春坊右庶子仍兼侍讀學士凡經筵講義及文武群臣誥敕皆以屬公又兼記注于聖政聖訓之當書者皆錄之以備纂述進階奉議大夫

宣宗即位與脩兩朝實錄成進詹事府少詹事仍兼侍讀學士有白金綵幣襲衣寶錘之賚進階中順大夫今上嗣位詔脩先朝實錄以公總裁書成進禮部左侍郎仍兼學士賞賚如前久之以禮部缺人命公出泣

部事宗伯胡公大喜閣部之政悉付之公處之裕然

部事宗伯胡公大喜閭部之政悉付之公處之裕然  
若素習者吏部尚書郭進去位詔以公代之命下士  
類皆悅進階資善大夫歷再歲有無賴不得志者以  
選撥事嫁禍于公給舍御史交論列乃直公誣加授  
資德大夫正治上卿正統己巳秋扯虜犯邊境

車駕欲親征公獨以為不可率廷臣上疏止之不獲  
特命公留守京師加太子太保兼吏部尚書尋進階  
榮祿大夫景泰初進少傅壬申兼太子太師進階光  
祿大夫公累疏求退不允天順改元

皇上渡位圖任舊人公艱于步履不能朝謁懇乞休致  
并辭師傅二職詔特許之賜以璽書有忠清之操簡  
於朕懷之語渡出白金文綺寶鏹賜之給驛舟以歸  
公方面脩髯器宇宏偉望之若神仙中人天性嚴重

寡言笑居家儼然及至接人和氣可掬學富才敏詩  
文清緻四方求者接踵屢典春闈文衡得人寢盛在  
翰林三十餘年恭勤不怠如一日與王文安公齊名  
時稱二王又以居第在東稱東王先生士類莫不拭目  
海內想聞其風采及位冢宰益加廉慎時方面官  
罷廷臣薦舉專屬吏部公益留意人才委任部屬凡  
御史出巡歸者必令報其高下以備拔用自是四方  
號得人奔競之風為之一息居第隘陋曾不屑意一  
切世味安于淡薄朝廷重公之德每優禮之免其朝  
謁及退休居家杜門不出日課諸生讀書而已所著  
有抑菴集若干卷行于世天順六年九月二十三日  
以疾終于正寢享年八十有四訃聞

上為之悼惜特贈太保謚文端遣官諭祭于其家渡令



有司營葬事公配陳氏累封一品夫人先公二年卒  
子男五人長積翰林檢討居母憂以卒次日禛次日  
穆日祠孫男十人曾孫男七人積等卜以天順七年  
正月十六葬于邑之實信鄉高坪之原乃以公所為  
墓誌示賢請銘其神道賢從公遊最久公未嘗待以  
屬吏又引之同升平生之知未有過于公者謹次第  
其事而系之以銘、曰國之明昌繫彼才賢有一挺  
生繫豈偶然侃、王公天賦其秀有教燁然大江之  
右鸞坡鳳閣容與翱翔惟學之富惟譽之芳遂秉鈞  
衡不倚不忒百司庶府位其稱德位稱其德又我烝  
民列聖汝嘉保傅師臣公之旋歸既祿且壽國藉著  
龜士仰山斗公之云亾軫我聖衷節惠二名錫命三  
公有美哀榮無然愧忤銘在豐碑元老之墓

祭酒陳公言行錄

敬宗

楊尚寶 廉

陳敬宗字光世，浙江慈溪人。進士，歷仕永樂、天順間。官至祭酒，卒年八十三。

陳敬宗由翰林拜南京祭酒，美鬚髯，容儀端整，步履有定則，望之者起敬。當會食，諸生稍有失儀者，即待罪不輕容也。或有所稟，嚴于對君之禮，對客善飲，襄城伯重斯文，或盛設延賓，既罷必留敬宗再飲，主至醕酌，猶自儼然。若未嘗飲者，人皆服其量。古穰雜錄：公登永樂甲申進士第，選翰林庶吉士，與脩

高廟實錄，成授刑部主事。十二年，脩五經四書大全，成改翰林侍讀。後丁母憂，宣德改元，起復，脩兩朝實錄，未成，轉南京國子司業。秩滿陞祭酒，為人矜嚴，好礼，久居太學，力以師道自任，嚴立教條，痛革舊習，日勵

諸生進學，成德戶部尚書，閣中楊昂初發解于鄉試。

久居太學力以師道自任嚴立教條痛革舊習日勵

諸生進學成德戶部尚書閔中楊鼎初發解于鄉試  
春闈不利自北京求入南監從公卒業其為士大夫  
所重如此景泰元年致仕

國子祭酒四明陳先生遇僚屬諸生嚴有懷忿而訟之  
者法司將覆奏就逮周文襄公其同年謂先生當具  
疏申雪遂屬筆于公未免有迂就之辭先生見之驚  
曰無乃誑君公笑曰在法惟奏事不實耳聞者或迂  
先生而先生不亦純臣哉水東日記

行方而嚴學優而粹勢利紛如頽然無累抑德隅  
人望知畏詞林重輕卜其進退師于國子身以為誨  
朋來是樂不解于位時有古庶于公作配彭韶撰贊

副都史吳公言行錄 詠

同前

吳訥字敏德直隸常熟人由薦舉歷仕永樂天順間

官至右副都御史卒年八十六

公父為沅陵縣主簿常被誣繫京師公乞身代事未  
白而父沒公治喪如禮不用浮屠法力學尚義兼善  
醫術聲聞江東郡邑薦為校官不就永樂末舉醫生  
至南京上疏懇辭時

書

仁廟監國聞之命教諸功臣子弟復拜監察御史歷陞  
南京都察院右僉都左副都御史

海虞吳敏德為僉都御史持敬慎之心秉廉直之節  
其議論舉措有前賢之遺風視世之隨俗變化方外  
而圓內者相去遠矣

王直撰贊序

吳思菴先生談及淺學後進曰此韻府郡玉秀才好  
趨航船耳航船吳中所謂夜航船接渡往來船中群  
坐多人偶語紛紜蓋言其破碎摘裂之學祇足供談

坐多人偶語紛：蓋言其破碎摘裂之學祇足供談

笑也 水東日記

公為人端重純明履方居約不以窮達易所守其學  
務導儒先闡經訓以正士習為文章根據義理有裨  
世教不徒作也公自童壯積學有素其求端用力必  
由博以入約自體而達用不事矯飾務以行檢為先  
至其為文根柢則以群經為之本波瀾則以迂固為  
之輔于是形諸論著不苟同人言必以實而要其歸  
則一本于理公應詔起自田里為御史為僉都御史  
所至皆籍：有藪若夫文則又公之餘事耳

魏驥撰  
思菴文

集序

公淵乎其學炳乎其文才識論議博達古今其在臺  
憲十有餘年蹇：諤：正氣凜：其心寬厚仁恕未  
嘗察察以求人過而奸穢不法之徒自朕消宿摧沮

不敢喘息方將倚公持重臺憲坐肅風紀而公力以  
老去非衆人所以望于公也陳敬宗撰贈致仕序

古貌古心學窺性理孝義幼聞實形踐履避迹儒醫  
監國所禮乃教世胄乃司風紀卒貳憲臺清德莫比  
獨老幼書以忘憂喜脩正遺文垂訓無已彭韶撰贊

諒江知府劉公言行錄

子輔

尹侍郎直

劉子輔諱以字行江西廬陵人永樂宣德間歷官  
監察御史廣東憲使左迂諒江知府死節

子輔自太學生擢監察御史持身謹行儉約如布衣  
時而用法公平嘗按臨浙江者三年不見殺色而浙  
江之人善者愛之橫者畏之時憲使周新持風裁不  
苟許與獨數稱子輔為賢御史九載考寔陞廣東  
憲使到官數日丁家銀去服闋坐微累左迂交趾諒

江知府不鄙其民撫綏如子民咸愛戴之教寇黎

憲使到官教日丁家報去服闋坐微累左遷文趾諒

江知府不鄙夷其民撫綏如子民咸愛戴之叛寇黎利攻圍諒江城時寇勢猖獗他郡縣城多已陷子輔與守將倡兵民效死守數月寇增衆攻城中食盡而人心益固又踰月寇攻益力遂破城中兵民盡力鬪以死無一人降者子輔知事不支曰吾奉命守郡亡與亡義不可污賊手即自經死一子一妾皆先子輔死事聞贈子輔布政司叅政遣官賜祭渡其家子輔平素恂恂若無所少言長者且不慕交際人蓋鮮知之而其終所樹立卓卓若此士可以其外斷之乎當時總帥如王通輩擁勁兵十數萬不能禦賊而棄城去甚者蔡福之徒甘心從賊及兵來攻圖苟活旦暮間卒之不逃誅于國典夫死一也彼身戮家債貽誚無窮視子輔蓋永歲薰蕕之不相同矣時成

守之將如都指揮李任等毅然奮節而死者蓋多死  
民社者子輔及諒山知府易先政平知府何忠輩亦  
非一人忠罵賊不絕口從容賦詩乃與其子皆死曷  
嘗乏正人君子哉顧係于用之者之何如也

尹直撰贊曰嗚呼子輔志節端方觀風雨浙凜、冰  
霜乃司廣臬乃守諒江撫綏民夷愷悌循良黎孽叛  
寇所在披猖獨率兵民禦邊捍防食盡力屈矢與城  
亡子要先盡不污賊戕妾義子孝忠儷許張卹恩有  
腆廬陵有光

尚書張公神道碑銘

鳳

李文達 賢

公諱鳳字子儀先世滄州鹽山人徙真定之安平魯  
祖才卿祖德林俱潛德弗耀考益故為禮科給事中  
與德林俱用公貴贈資政大夫戶部尚書祖母王氏

母李氏俱贈夫人初李氏有娠一夕夢大星出懷中



母李氏俱贈夫人初李氏有娠一夕夢大星出懷中覺而生公人以為異三歲取父書作讀誦狀識者知有竒志隣有病召巫治之公往觀之竟不驗扣其神曰卿相在此公去神乃降衆驚異曰此子殆不凡者稍長從太常少卿鄭雍言授春秋經每有講說即能問難穎悟異常已而母病躬侍湯藥衣不解帶母卒居喪盡哀人服其孝

永樂己丑北虜犯邊

文廟親征以給事君贊理戎務因主將失利沒于陣公時年十四大父母垂白在堂家道蕭然公哀毀踰禮與兄奉祖還家竭力事養得其懽心久之有司聞公孝友選為邑庠生公益奮力于學雖祁寒暑雨不輟遂領薦入大學時鴻臚序班缺員例選北人為之吏部尚書蹇忠定公義見公異之曰是生不可就此職

也宣德丁未登進士第癸丑春擢刑部江西司主事  
時江西豪民為逆者千餘人繫獄未決付公理之公  
一訊皆得其情獄中獲生者數百人能譽大振大司  
寇嘉公之才特令總闔部章奏及錄在京逮繫者正  
統戊午冬特陞本部右侍郎由主事進侍郎者自公  
以前未有也已未夏以京城草場出內多弊勅公巡  
督之辛酉春改南京戶部右侍郎公上疏曰南京根  
本重地糧不可不素蓄宜每歲分米二百萬石遂定  
為令往年南京芻粟專委之憲臣至是敕公兼督蓋  
以出納嚴慎故也時人以公執法呼為張板朝廷亦  
知其名己巳春賜璽書嘉勞有清勤公正之褒賚以  
白金文綺景泰壬申春陞本部左侍郎未几進尚書  
明年廷議謂公素有譽望乃轉兵部尚書叅贊守備

機務又明年召為戶部尚書時邊務方殷錢穀之費

白金文  
明年廷議謂公素有譽望乃轉兵部尚書參贊守備  
機務又明年召為戶部尚書時邊務方殷錢穀之費  
動以萬計多以不給為憂公至處之裕然國用不勞  
而足天順改元

皇上渡位思南京舊都得舊人庶可以壓衆心仍命公  
為南京戶部尚書兼督糧儲辛巳春以考績赴闕  
上慰勞有加公以足疾懇辭休致不允舟還疾甚未抵  
任而卒是歲三月十八日也距生洪武丙子九月四  
日享年六十六公為人正直而心地平易遇事敢為  
人不敢以私干之尤薦于友義同門蹇于仕途者必  
極力助之故人李恂為太常贊禮郎母老子幼夫婦  
相繼而卒公惻然遂養其母以終聘其女為子婦教  
養其子至于成立又急于濟人嘗渡江偶遇一舟覆  
于急流公即捐白金購人救之舟中之人賴以全活

性尤真率客至即出酒榖對酌為樂不計豐約與之  
接者未嘗不稱為朴實君子也歷官幾四十年勤慎  
如一日曾無過舉卒之日有司以訃聞

上深悼之遣官諭祭賜以賻儀渡命有司為治坟墓給  
官舟歸葬于鄉公配李氏累封夫人男子三人長愷  
次悌次忭孫男六人銘曰侃：張公生也不偶大器  
弘才童時已負乃承家學乃擬魏科歷躋膺仕不偏  
以頗不偏以頗時呼為板愈見其操孰不嚴憚允顯  
天性孝友諄：濟物之心一何孔仁既叅兵戎渡摠  
餉饋茂勤宏昭光我士類稽其終始惟忠惟勤懿此  
言行蔚為名臣褒典式承存歿無間嗚呼張公全歸  
于善

尚書耿公神道碑銘 九疇

李文達公賢

今之公卿大夫功業文章表著天下者甚盛如司寇

今之公卿大夫功業文章表著天下者甚盛如司寇  
耿公所存所行尤不易得蓋清潔之志如金石之不  
可奪也嗚呼艱哉公諱九疇字禹範別號恒菴初母  
妊公時忽夢神告曰吾自冠山來當大汝門覺而公  
生自幼穎敏讀書必究義理弱冠為邑庠生登永樂  
甲辰進士第宣德辛亥擢禮科給事中凡事務存大  
體有清操正統改元之明年大臣言兩淮鹺政之弊  
必得重名檢者理之于是推公為鹽運司同知公巡  
行諸鹽場盡革宿弊公私便之復條奏數事曰均搭  
派節樣鹽二事遂著為令癸亥丁母憂鹽場數千人  
詣闕番公從之乃進陞鹽運使公益循法責效廉名  
大著嘗坐水傍一童子曰水清不如使君之清公因  
號恒菴以自勵尋以誑誤逮至京事白朝廷知公廉

正特陞刑部右侍郎屢與同官辯疑獄不為勢利所  
休有婦誣其夫衆欲斲異公曰不可杖其婦而歸之  
人服其當未幾有邊警乘輿出巡以公留守京師既  
而鳳陽歲凶盜起渡敕公往綏之公乃留英武飛熊  
諸衛軍耕守以杜姦寇覬覦之心招徠流民七萬餘  
戶一方晏然兩淮醴政自公去任多廢至是渡屬公  
兼理之于是奏罷易米法申飭條戒有加于舊尋渡  
敕公巡撫江北諸郡公益盡心宣布德意凡可以惠  
民者無不極力為之景泰初敕公審錄諸郡大辟囚  
公曰洗寃澤物吾所願也凡以情得原者二十六人  
有婦人來何菊家者既去而死其家訟菊與弟殺之  
菊誣服公驗其無實而釋之後知殺者果仇人也人  
服其明代還議閩中重地守臣缺人僉謂非公不可

特敕公以往既至革弊黜貪威望愈振初六部卿佐  
吏外文移不導至下安察司以故遷遷不受內公守

服其明代還議閣中重地守臣缺人僉謂非公不可

特敕公以往既至革弊黜貪威望愈振初六部卿佐使外文移不得徑下按察司以故偃蹇不受約公首奏下之邊將請于臨洮諸衛添取防兵朝廷下公議公上疏言邊城士卒不為少矣在為將者馭之何如耳果能嚴紀律精練習勤撫卹絕侵漁以養其銳氣則一可當百加以賞罰明信則人自奮而醜虜不足慮矣不然添兵何益徒冗食耳遂從公議初邊民春夏就田耕作秋冬移入公疏言邊將所以禦寇而衛民也今民自避寇而失恒產將何為哉乞委邊將以止移入不能衛者罪之民皆稱便朝廷以公兼理戎務宜居憲職遂轉都察院右副都御史仍鎮其地公聞朝廷下有司買羊角以充燈費昔宋神宗買浙燈而蘇軾輒諫止之比忠臣愛君之至情也今買羊

角製燈無乃類是書曰不矜細行終累大德遂止繼  
以災異下詔求直言公渡上疏曰天地間有必然之  
理有或然之數理可盡而數不可泥臣願

陛下延儒碩以廣聰明公賞罰以別忠佞擇守令以惠  
黎庶簡將帥以固邊疆此必然之理不可忽也優詔  
答之天順改元

皇上渡位思公可大用願侍臣曰耿九疇廉正人也即  
召為右都御史士類皆賀臺憲得人時子裕任給事  
中公言父子同在要地非宜遂改裕為翰林檢討公  
自幸遭遇思圖報稱首進五事曰崇廉恥以勵士風  
清刑獄以召和氣勸農桑以厚民生節糧賞以簡軍  
士任臺憲以振綱紀

上皆嘉納之因敕戒風憲公進御史告曰朝廷望治于

憲職至矣各宜澡滌以副任使不然吾不汝貸衆皆  
東息風紀為之肅清時邊情不寧將臣怠命公將率



上皆嘉納之因敕戒風憲公進御史告曰朝廷望治于  
憲職至矣各宜澡滌以副任使不然而吾不汝貸衆皆  
悚息風紀為之肅清時邊情不寧將臣怠命公將率  
諸道御史劾之事泄及為所訐置公等于理公引咎  
自當朝廷察非公罪出為江西右布政使尋陞四川  
左布政使明年召為南京刑部尚書先在職者流于  
諧俗有乖清議公至肅然自歸于正天順四年八月  
二十九日忽遘疾不語移時而逝距生洪武二十九  
年四月十三日享年六十有五訃聞

上深哀悼遣官諭祭于其家復令有司為營葬事士大  
夫識與不識莫不惜之公天性孝友親終追思不忘  
遇亡日悲痛如初喪時事三兄恭而盡禮常脩耿氏  
家乘以昭先德平生慕司馬溫公為人敦尚古道恥  
同流俗奉身節儉無他嗜好公退居家惟焚香讀書

而已交人不泛關節至其門雖權貴亦敬憚不敢  
犯凡論事是非確然不撓未嘗詭隨于邪正之辨尤  
嚴坐是與衆寡合累遭讒困賴

上知其所存卒保全之公先世東鹿人有諱昉者仕金  
為平定軍指揮使因家平定州有諱守直者務儒業  
舉進士任總帥府教授高祖後仕元為大都路知事  
魯祖文大寧路推官祖承祖太常太祝考綱通經學  
洪武中為河南盧氏縣學教諭卒塋金谷陀之原子  
孫遂為盧氏人與太祝公俱贈通議大夫刑部右侍  
郎妣和氏累贈太淑人配高氏累贈淑人子男三長  
智次即裕今為泗州判官次發女六孫男七卜葬于  
先塋之次裕詣京師時持鄉人左都御史軒公狀乞  
予為神道碑予亦鄉人也不可辭則序而銘之銘曰

麟之祥曉鳳之瑞竇實難其逢云誰不惜有若斯世  
延生常人王立青肯如鳳口麟首常秋公距鹿之曾

麟之祥號鳳之瑞躡實難其逢云誰不惜有若斯世  
挺生偉人王立清脩如鳳如麟有偉耿公鉅鹿之胄  
一時英賢鮮出公右早登仕版青瑣黃門直道而行  
邁于前聞齟政既清疑獄既辨乃整邊防乃正臺憲  
周思職務寢不遑安出領二藩之屏之翰冰壺湛然  
不容少滓初志如山死而後已百煉之剛不損毫芒  
南畿作士

帝寵煌煌：知無不言：則剴切社稷是安既安乃悅繫  
公之衷士類所宗譽流無窮惟公之終  
子裕歷官禮吏二部尚書性寬簡與物無忤弘治九  
年卒于官

浙

館

書

圖

汪

浙



Faint, illegible text bleed-through from the reverse side of the page, appearing as ghostly impressions of characters.

皇明名臣琰錄卷之三  
詩節凡公墓誌銘文英

薛文清公  
后集

皇明名臣琬琰錄卷之三

后集

侍郎孔公墓誌銘

文英

薛文清公瑄

公諱文英字世傑系出宣聖之裔大父諱彥明娶曹氏父志學娶蔣氏自彥明值宋季兵作徙家武安再徙邯鄲父志學又徙陝西安化縣遂家焉比再世皆積行隱德弗耀于時志學生五子次即公也公生有美質其父遣入縣庠從良師友習舉業中永樂十五年鄉試登辛丑科進士宣德元年初知江西廬陵縣未幾以事至京師擢任浙江道監察御史三年累奉璽書巡視北直隸民瘼事訖條奏所以消弭之方大荷寵賚值浙江黃巖縣有健訟者搆捏齊民三千人相聚譁張為非公奉勅諭俾往體量鞫問公至則取其文狀究察端緒所自起遂得其所以搆造者羅織

之詞一訊衆情皆服五遣誣誤之衆獨械首訟一夫  
來京慶治人皆交口以明果稱之十年丁內艱正統  
紀元廷臣奉詔選能御史分理天下軍政公以廷臣  
薦乃驛召至京改河南道奉勅清理江西軍伍九年  
滿考陞支五品俸仍理前事正統五年陞湖廣按察  
使九年丁外艱部屬軍民狀公之平之蹟相率訴御  
史乞留御史會奏得旨報可奪情起復泣事後以事  
至京師景泰紀元今

皇上詔擇有文武才謀可鎮邊關者吏部以公名上遂  
陞大理寺卿俾奉勅鎮守紫荆關及提督緣邊軍務  
公至練兵有法設險有要弛置得宜關備大飭內外  
晏朕無警軍民皆得以樂生興事六年春

上以刑部左侍郎負缺且邊關無事乃驛召公補其缺

上以刑部左侍郎員缺且邊關無事乃驛召公補其缺

次年為景泰七年二月二十八日卒于官詔如例遣  
官諭祭脩墳安葬公生當洪武甲戌五月初七日卒  
是年月日蓋甲子一周又三歲矣公娶陳氏生子男  
四曰宇宗宙宏女四孫男三公性質溫厚居家孝友  
接人謙和于世利澹肫寡嗜好既力學尤通吏事登  
科為名進士治邑為賢令尹出入風憲綱紀卓然鎮  
守邊關事切就緒入貳秋官庶獄明慎其行已歷官  
大節可見如此又歷仕清朝荷國家舉推恩之典贈  
其祖通議大夫大理寺卿祖妣淑人封其父文林郎  
監察御史贈通議大夫大理寺卿母封孺人贈淑人  
公加授正議大夫資治尹陳氏封孺人至淑人實有  
三世疏封之榮公既沒又荷聖朝褒卹之典諭祭有  
文寔宥有造其可謂有光前後善始善終者矣公之

子孫<sup>宗</sup>將以某年月日奉公柩葬于某山之原乃奉公

狀纍然喪服來乞銘則為之銘曰有璞必追有木必

材孰人之瑰而用與遠君惟其魁孔牒世輝有胎有

胚有敷有為所持不回所職不隳所積既微所成惟

丕祖考遠綏嗣慶世纍甲子訖推幽銘永垂

尚書恭定年公神道碑銘富  
李文達公賢

天順庚辰戶部尚書缺人

皇上以年公富可當其任有惡其執法者沮之乃屬吏

部改議

上曰掌國計者正用執法之人卒用公命下朝紳皆悅

已而在任公勤慎密士望益重一旦以疾卒無有不

悼惜者其子請銘其神道之碑按侍郎薛君狀公字

大有號謙齋姓嚴氏上世莫詳所居曾祖孟陽仕元

為萬戶守滌陽因家金槐元李兵亂子孫流徙鳳陽  
之懷遠共武初附版籍誤以嚴為年遂因之祖過春



悼惜者其子諱銳其神道之碑按侍郎曾祖孟陽仕元  
大有號謙齋姓嚴氏上世莫詳所居曾祖孟陽仕元  
為萬戶守滁陽因家全椒元李兵亂子孫流徙鳳陽  
之懷遠洪武初附版籍悞以嚴為年遂因之祖遇春  
父景和俱以公貴贈資政大夫戶部尚書祖妣朱氏  
妣邵氏俱贈夫人公甫十歲即入邑庠為子弟員明  
敏端重師友咸器異之弱冠領永樂丁酉鄉薦明年  
以乙榜教諭濟南之德平年雖少而教規甚嚴諸生  
多所造就秩滿以績最擢吏科給事中兼署刑科糾  
正違失務全大體宣德乙卯吏部薦陞光祿少卿  
宣廟欲大用之乃奏留不下久之特陞陝西布政司右  
叅政至任即巡歷郡邑察民隱革吏弊興學勸農尤  
嫉賊吏貪墨者聞風即託故解去鎮守憲臣獨加禮  
焉或指畫未宜聞公言即止初三邊士馬衆盛供費  
浩繁民皆疲于遠輸而郡邑豪猾之徒又因緣為奸

邊儲多空乏朝廷深以為慮乃屬公總之公量地遠  
近按收之遲速定其徵科防其出入立法甚嚴夙弊  
盡革民不告勞而邊廩實矣正統甲子陞河南右布  
政使惠政及民愈廣時隣省飢民流聚南陽陳州諸  
處無慮十數萬剽掠居民有司莫能制公往撫諭乃  
分散安輯而賑卹之衆皆感公之德願為編氓已已  
轉左布政使未幾北虜入寇雲中烽火通于京畿軍  
民走避道阻糧絕朝廷憂之公有謀為特委督運糧  
餉八萬石濟邊吏民間公號令皆冒險而進無後期  
者邊餉以充明年用邊將論奏進都察院左副都御  
史提督大同軍務兼理邊儲時軍民瘡痍未復室家  
離散呻吟之聲不絕公招亡撫存舉廢改革科徵抑  
豪橫廣屯田軍民始<sup>有</sup>更生之望初倉庫所儲多為勢

要侵斂公至悉追復之由是軍務教興穀錢不乏時  
征虜大將而下多納賂冒功公至悉核實不錄故爵

要侵斂公至悉追復之由是軍務數興穀錢不乏時  
征虜大將而下多納賂冒功公至悉核實不錄故爵  
賞無濫及者景泰乙亥丁外艱朝廷以邊警方急奪  
哀視事公懇乞終制不允天順改元將臣石彪因私  
怨以危事中公逮繫于京賴

英廟保全乃令致仕不數月即起為南京兵部右侍郎  
尋轉戶部右侍郎巡撫山東隨復左副都御史公按  
行青齊諸郡官吏畏服奸豪屏迹有夷人居東昌者  
多頑獷弗率其首羅姓者尤為桀黠公慮為患乃言  
于朝因其來京留之以消其不逞之謀庚辰春召為

戶部尚書

英廟知公忠直禮遇優厚公益恣懋夙夜不懈以國計  
為己任然處之以靜不動聲色而事無不集癸未賜

誥命詞極褒譽甲申春公以陝西累年用兵而督饒道者多不得人乃薦三人為藩司郡守使理其事更部以公為侵官公上疏極論大臣薦賢為國之道且以年至七十懇乞致仕

上初臨御以公舊臣慰勉之使復任忽得瘡疾且劇

上命醫往視竟不起深為之震悼輟視朝一日賜謚恭

定復遣官諭祭令有司治塋事朝之公卿大夫莫不弔哭盡哀公為人剛正言不輕發廉靜寡欲遇事敢為臨利害不少變氣節才識世不易得生于洪武乙亥十二月七日卒于天順甲申四月十六日享年七十配蘇氏贈夫人子男四人長茂次芳國子生次英次華孫男八人卜以是歲某月某日歸塋于先塋之次銘曰天順人才一時極盛有偉年公尤號敬正既

司國計法不可搖峨冠秉笏挺然獨標有偉年公敬

司國計法不可搖峨冠秉笏挺然獨標有偉年公啟  
歷寂久始終不渝惟道是守屢摧不折勵操愈剛儼  
如蒼檜任披冰霜有偉年公一代無幾星鳳之祥海  
內咸視

皇卹耆舊恩禮是優恭定之名百世之休形歸泉臺無  
虞有爰史臣作銘刻石道左

刑部尚書劉公墓誌銘

廣衡

李文達公賢

劉之先河南祥符人其遠祖有曰功甫者仕宋為江  
西萬安丞子孫因家焉公諱廣衡字克平曾祖仁一祖  
昭年父俊英俱業儒不仕祖父以公貴累贈資善大  
夫刑部尚書祖妣鄭氏妣歐氏累贈夫人公自幼穎  
敏在醜夷中卓異如老成蚤失怙恃遭家多難諸弟  
幼弱公與兄廣泰綜理家務家遂以振閭里莫不嘉

羨曰劉氏有子矣洎長入邑庠授易于鄉先生翰林  
檢討宋琮永樂庚子遂領江西鄉薦益肆力于學登  
甲辰進士宣德戊申拜刑部廣東司主事乙卯陞陝  
西司員外即正統丁巳再陞浙江郎中司凡歷三署  
廉明之譽翕然庚申秋朝廷軫念四方多罹飢饉欲  
廣蓄積以禦荒歲乃簡廷臣分理預備之政勅呂便  
宜從事而公在首選往浙江即日上路遍歷郡邑所  
區畫甚多得粟數百萬石為四倉以儲之復督勸有  
司築陂塘抑豪強拯困弊事集而民不擾既還朝廷  
嘉之甲子陞陝西按察司副使命專理重刑凡疑獄  
賴公而明者甚衆己巳陞陝西布政司右布政使明  
年

上以陝西邊務方殷陞都察院右副都御史鎮守關中

蓋特陞也公益感激自效條陳十事皆安邊禦寇利  
國便民急務多見施行時邊報多警公從容裁慶咸

蓋特陞也公益感激自效條陳十事皆安邊禦寇利  
國便民急務多見施行時邊報多警公從容裁處咸  
得其宜察督脩城堡七十餘處復奉勅轉輸軍餉數  
萬石于邊城適歲旱民飢因設法濟之俾不失所而  
公家之務亦辦尋召公還京治院事未幾復命往錄  
南京法司之獄多所平反既還有白金銖幣之賚壬  
申秋復奉命糾察湖廣庶職之廉貪者凡所黜陟人  
服其公且條陳軍民利病數事多見采納既還勞以  
羊酒時浙江福建民鄭懷冒王孝心等作亂特勅公  
馳往督兵捕之至則賊已就擒公察其嘯聚之故以  
山有銀場連亘深僻賊得潛伏其中即命伐山通道  
且奏設縣治以便巡視其患遂息已而守臣以所獲  
賊屬俱論謀逆報功希賞公覈其實得首惡者十餘

人悉縱之事峻而還賜白金綵幣甚厚丙子渡奉勅  
巡撫遼東提督軍務鎮靜不擾遠近悅服天順改元  
春

皇上渡位特召公還陞刑部左侍郎八月遂進尚書累  
膺金帶繡袍之賜公感

書

上知遇益自力以圖報稱秋九月忽遘風疾而瘖即上  
章懇乞駭骨詔許之既而言語如常衆醫皆喜曰公  
疾瘳矣公獨不以為狀惟諄屬後事未數日疾果  
復作竟不起天順二年十二月十五日也距生洪武  
年 月 日享年六十有四

上聞訃嗟悼遣官致祭于其家復命有司為塋葬事公  
為人直諒通敏寬厚坦夷處已接人一出于誠不立  
厓岸平居溫狀和氣可掬及遇事能斷毅狀不可奪

而廉介之操始終不渝雖歷通顯服食無異于寒士  
尤以文學推重于時所為詩文有集藏于家娶康氏



而廉介之操始終不渝雖歷通顯服食無異于寒士  
尤以文學推重于時所為詩文有集藏于家娶康氏  
累封夫人子男四曰述古曰述憲中順天府鄉試曰  
述曰述績為邑庠生孫男二銘曰木有松焉挺朕  
秀拔石有玉焉字暢旁達大江之右懿此劉公卓  
溫如玉如松發跡司刑爰列三署巨臬名藩大有  
時譽都臺荐升司寇載登既忠以勤

皇寵是膺皇寵是膺惟德之厚惟才之長惟學之富懿  
此劉公邦家之光胡不憇遺皓首巖廊我懷伊人昭  
代希有刻銘堅岷永世不朽

侍講學士魯公行狀鶴齡

劉忠毅公球

公姓魯諱宦齡字延年一字延之其先有仕唐為先  
州團練使曰慶者再傳之構避五季亂自金陵徙江

西因家泰和六傳至宋彭澤令安定清川丞安中監  
察御史安強兄弟俱起甲科而族益顯彭澤九世至  
元瑞金教諭約生九韶仕洪武中以弛利便民罷還  
黃蓬湖官歸而教行于甌其子贈翰林脩撰伯高尤  
邃于學舉賢良校官皆不就曰吾上世連仕不達而  
有德于民食其報者在吾子乎吾何以仕為即公之  
考也母太安人胡氏夢星墜卧內感而生公少異  
常兒及受學家廷不煩督責自力于業既冠與其兄  
椿齡以書經同領永樂乙酉鄉薦明年會試留養未  
行其兄遂第進士為庶吉士翰林以沒仰事俯育之  
責萃公一身繼遭父喪內外斬朕無足賴者又以閭  
右齟齬弗克康厥居積學之餘稍出所有授學以自  
給久而從為者衆贄入益不貲廼營故業邑城之西

為久計安諸子頗長足事遂辭太安人赴永樂辛  
丑會試時今少師盧陵楊公司文衡務先典實之作

為久計安諸子頗長足事。遂辭太安人赴永樂辛  
丑會試時今少師盧陵楊公司文衡務先典實之作  
以洗浮腐之弊喜公諸篇悉優多梓行之至今評程  
文者以是科為宸廷對居第一擢翰林脩撰洪熙乙  
巳受勅封贈父母妻宣德改元奉命如南獄及舜神  
農二陵脩祀事宣德庚戌同考禮部會試脩

太宗仁宗實錄成受白金綺幣之賜進秩為翰林侍讀  
明年乞歸省道聞太安人赴哀毀終喪渡官預脩  
宣宗實錄正統戊午書成受賜如初進秩為翰林侍講  
學士尋拔奉訓大夫是秋考順天府鄉試初試之夕  
場屋大試卷亦有殘缺者有司惧罪不敢以更試為  
言惟欲請葺場屋以約後兩試公曰必更試朕後百  
弊滌至公著不朕雖無所私亦招外謗朝廷何惜一

日之費以成此盛舉哉有司吳<sup>具</sup>二說以進命下悉如  
公言衆皆悞服得士亦審嘗自謂吾齒未艾而精神  
覺已衰吾生其不久乎一夕課其子忘倦明旦造朝  
與同列言笑自若退而得疾未半晝沒蓋正統辛酉  
三月二十一日也館閣中大為之慟

上聞遣禮部左侍郎王公致祭自公卿至勳戚貴臣交  
致奠傳聞者莫不悼惜公生洪武癸亥四月十八日  
歷春秋五十九配陳氏封安人子男五序廉應庶度  
序由進士起家為行人司行人廉乙卯貢士孫男八  
惟公中懷胆直畧無一毫齷齪矯枉而處事過物井  
朕有理起居休如也事親孝于家極雍睦訓育其兄  
遺孤于序自晬至有室卒成偉器致有弋陽司訓之  
薦嫁序女兄第二人如已女寡婦孤甥無不席其庇

嘗分上賜金買田以給先祀積俸餘以周族人之貧  
音親故亦多蒙其惠與人交初若難合久而益親所

嘗分上賜金買田以給先祀積俸餘以周族人之貧者親故亦多蒙其惠與人交初若難合久而益親所知為達官立當道者不少每燕見必以公天下期之未嘗及于私教學者欲其必先本領毋徒徇外慾速以自小其志故經其指引者無分達與不達俱有餘者風其文有詩歌詞賦頌贊累千篇傳記序說半之

行狀墓銘碑誄雜文三百皆出新意得古法無所襲于外而有益于道德仁義之說為多可謂沒而有不可沒者矣公就殯之三月序致使命自南夷至將奉相歸故鄉用某年月日葬其邑 卿 山之原以公同榜士獨球一人在翰林又素相厚來謂狀以為謁銘國不朽之地義不可辭因述其世出事行如此庶立言君子有所考焉

大理寺卿王公墓表

字

李文達公賢

吾鄉之士顯達者甚衆求其志節介朕而潔白自守者大理寺卿王公其人也嗚呼公今逝矣年止四十有七可勝痛哉其弟宜乞予為公墓表義不容辭公諱字字仲宏姓王氏號別厚齋祥符人也曾大父敦本大父友德皆樂善好義隱居不仕父希哲讀書執礼行著鄉閭母丁氏有淑德公自幼穎秀異于羣兒父母獨鍾愛之童州時從師受業日記萬言巡撫重臣一見而奇之曰此大器也即遣為邑庠生公奮志進學雖隆寒盛暑不輟正統戊午遂魁鄉解明年登進士第授南京戶部主事管理糧儲痛革宿弊庶能之聲大振都憲周公銓時總其事蔑視其属于公獨敬愛之三載以績最給勅命進階承德郎贈父如其

官母妻皆封安人公益砥礪名節在即署中特立獨行不顧流俗時即佐職端列轉正即吏部以公才能

官母妻皆封安人公益砥礪名節在卽署中特立獨  
行不顧流俗時卽佐職滿例轉正卽吏部以公才能  
顯著遂舉陞江西撫州知府是郡地儉民夥素號難  
治公至以簡御煩以靜制動六事既畢闔郡翕然稱  
頌里有隱士吳與弼不安至城府公欲往造其廬與  
弼聞之卽先謁拜談論竟日出歎曰真明府也公益  
勞心治民事凡漁利害民宿弊盡革罷之吏有奸黠  
盜府金自若公廉得其狀置之于法衆皆畏服撫民  
多商給孺之錢歲計累萬守皆自取以為當狀公曰  
可以無取而取之是傷廉也悉屬于官郡治旁有穴  
地前守引水蓄魚以自給公遂實之為倉儲粟數萬  
石以濟飢民郡人題其壁曰關節一毫無地入公廉  
兩字有天知遠近傳誦宜黃多山有虎為患公為告

神而驅之虎皆遁去金谿有聚衆暴掠者公曰此吾  
良民迫于飢餒故耳即開倉濟之衆皆感泣曰真吾  
父母也即時散去藩臬書公績曰剗煩治劇才識有  
餘清白操守纖毫無玷都憲巡撫者上公治行于朝  
特賜誥命以旌異之進階中憲大夫推恩父母妻室  
天順改元

皇上復位之初首念方岳重臣為郡邑表率屬廷臣會  
舉堪任者公與前列遂擢陞山東右布政使時廷議  
山東累歲不登民皆流移餓殍必屬能者撫安之  
上以璽書託公感激盡心設法賑濟不憚驅馳民賴全  
活者數十萬人明年

上念宣府邊方重地須得其人巡撫之遂召公為副都  
御史往任其事公至訓練士卒堅完城堡凡糧草屯



上念宣府邊方重地須得其人巡撫之遂召公為副都  
御史往任其事公至訓練士卒堅完城堡凡糧草屯

田邊備戎務一切便宜處之革弊除姦士卒感慕而  
權貴則不悅矣賴

上知公為人譖毀不行未幾大同缺巡撫者渡屬公兼  
之時石亨與其姪彪皆驟遷高爵恃寵自肆而大同  
乃舊鎮之地索取尤橫衆莫敢櫻公獨上章劾之以  
為大蠹大奸莫甚于此乞置于法以消未形之患詞  
氣剴切聞者嘆服已而亨彪果以奸敗朝廷益嘉公  
忠直庚辰丁內艱還家守制一星未終

上起公至京將有南臺之命延念大理缺卿持天下之  
平者無踰于公遂拜是職公累章乞終制弗許在任  
惟以洗冤澤物為先精研獄狀務得其情不知案牘  
之勞形地由是丐及甚衆僚屬莫不敬服癸未春渡  
授誥命進階通議大夫推恩贈祖與父如其官祖妣

母妻皆為淑人**士林**榮之公質幹竒偉心性剛介慎  
廉隅重名節操履端方確字不可拔事親盡孝處兄  
弟篤于友愛自奉甚薄雖居顯貴服食不異寒士視  
貨財如污穢見不廉者若將况已避而遠之卒之日  
囊篋罄狀無以為歛

書

上聞訃惻然傷悼曰可惜佳士遣官諭祭于其家渡令  
有司為營塋事生榮死哀斯無憾矣公平生耽嗜六  
籍博極羣書為文章根理趣詩賦古淡春容有餘味  
所存厚齋稿藏于家公生于永樂丁酉閏五月初四  
日卒于天順癸未七月十六日配段氏子男三長曰  
樞以是年十一月初六日歸葬于先塋之西嗚呼公  
之志氣如鳳皇翔于千仞之上而潔白之操方之宋  
司馬溫公趙清獻公亦可以並驅矣于是為表以告

來世云

吏部侍郎俞公墓表

山

李賢

竊怪夫世之人見害必避見利必趣已而避害者得  
害趣利者失利大抵不知命者也若夫知命者遵道  
而行盡其在己人謂蹈害而利及至焉人謂失利而  
害莫侵焉豈非明哲之士哉今之士效用于世能若  
是者其惟俞公乎公諱山字積之別號梅莊先世居  
汴有仕宋者扈蹕南渡因占籍嘉興遂為秀水人高  
祖瑞卿曾祖禮之俱不仕祖伯剛父璿俱不幸坐累  
迂戍而死人咸惜之後以公貴俱累贈資善大夫太  
子少傅兼吏部左侍郎妣王氏鄉先生達道之女累  
封太夫人公生而岐嶷風骨秀爽志趣不凡達道見  
而異之曰俞氏之昌其在茲乎遂妻以子弱冠補郡

庠生治春秋從秋西園李生講學專業不懈至忘寢  
食踰年即得粵義永樂癸卯領鄉薦以祖妣周氏垂  
老不忍去左右就養者三載宣德丁未乃入太學時  
祭酒四明陳先生師道尊嚴慎許可六館之士肅然  
惟待公以色唐成春遂中乙榜人或諷之曰以子之  
才乃屑就邪公曰命也不可強遂得蘇之崑山訓導  
崑山之士樂公善教莫不爭先奮勵底于成俄丁內  
艱諸生攀留弗克有隨之抵家受業者正統丙辰服  
闋調常之宜興時公之執友楊氏適主師席遂同心  
率教士習不變未幾丁祖母憂宜興之士思之不置  
爭詣提學御史留之弗果正統庚申服除赴京時朝  
廷嚴勅吏部擇儒官以輔親藩人皆託故避之公曰  
自有定數吾何避為遂選擢邸王府伴讀公既居是

職若將終身日勤講說不少輟祿微數窘略不介意

職若將終身日勤講說不少輟祿微數窘略不介意  
弟子從游者益衆慕求公之文者接踵于門正統己  
巳景泰即位進公鴻臚左寺丞時都御史楊善掌寺  
事雅重公薦陞左少卿踰月拜吏部右侍郎賜誥命  
階嘉議大夫尋轉左侍郎壬申進兼太子少傅復賜  
誥命階資善大夫久之忽嬰風疾朝廷屢遣太醫往  
視後少愈景泰乙亥乃上疏乞骸骨不許且慰留之  
踰年請之益切人或謂曰委任方隆疾以漸瘥何苦  
欲休公曰隆替相尋亦理之常吾非不恋明時揣分  
宜休况以疾乎復上疏懇辭朝廷重違其意特允其  
請資與甚厚俾乘駟舟以歸別之日公卿大夫設祖  
帳都門外觀者如堵莫不嗟嘆曰于今復見古人矣  
既歸越數歲舊復作疾竟弗起公生于洪武己卯六

月四日卒于天順改元十月九日享年五十有九卜  
葬嘉興永豐鄉之原所著梅莊集若干卷藏于家配  
沈氏累封夫人生男三長謨次誥工科給事中改判  
充之沂州次諫孫男三公為人敦厚簡靜于勢利淡  
如馬在藩邸時嘗衍義經書纂成講章尤善諷諫屢  
有裨益及顯用之日持以正大守以清謹不市私恩  
不取容悅人皆知為君子也景泰初議迎復之禮  
公奮然曰奎輿回則人心安力贊其成言官有持正  
被嫉者公曲為調護竟致顯用其佐銓衡也人才多  
所拔用未嘗自言曰薦賢為國豈為私也公之行箴  
不避害不趨利已而未嘗有害吉無不利者如此雖  
嗇于壽而立心制行之高俯仰無媿足以暴白于天  
下後世矣

下後世矣

刑部尚書軒公言行錄 輓

楊尚寶 廬

軒輓字

河南鹿邑人進士歷仕永樂天順間官

至刑部尚書公天性嚴介初為進士往淮上催糧冬

寒舟行忽落水救出衣盡濕一綿被裹之有司急為

製一衣襲卻之不用徐待舊衣之乾為御史獨振冰

蘖之聲為浙江按察使俸資之外一豪不取四時著

一青衣袍蔬食不厭與同僚約三日以米易肉一斤

多不能堪故舊經過者留供一飯至厚者殺一鷄僚

屬尚有未及知者陞副都御史總理南京糧儲清操

愈堅張都憲設席會諸公獨不赴既而卓食饋亦不

納古穰雜錄

左都御史軒公待己甚嚴過人無間贊否悉峻拒之不

與接居南都歲時詣禮部拜表慶賀至則屏居一室

撤去侍燭朝服端坐寂無一言待鼓嚴而出禮既畢  
不告於同事者竟御肩輿而歸同事者聞其來亦不  
樂與處皆避去平生俊偉之節惟恃公牘之存間令  
吏寫數十大冊以為他日傳世考此足矣於紀載之  
文一無所好及卒脩史有司從其家求公行實無有  
也惟寫生卒年月上送官耳縣胥瑣探

廣州府知府沈琮嘗為南京兵部武庫司主事武庫  
司典皂隸凡諸司多屬意焉蓋皂有定數得之多或  
得之早皆可觀利耳一日告予曰惟利亦可觀人琮  
司皂者久不以勤心而干人撓法者得兩公焉尚焉  
書魏公驥都御史軒公輓是已水東日記

于惟廉士古之李及為介為通渡謂我激我豈激者

百年一日 廉憲中丞風化以植談說不行奸墨屏乃  
言



予惟廉士古之李及為介為通渡謂我激我豈激者

百年一日廉憲中丞風紀以植諛諛不行奸墨屏乃  
掌邦禁劭節愈力老而渡起憲臣是式彭韶撰贊



# 浙江圖書館

石而行在四州  
吾始不為取  
夜馳京告變  
州為公之志  
賜以整衣  
爾中懶大夫  
浙江圖書館  
...

撤去傳燭朝服瑞生致無一言侍數辰而此禮既畢  
不若於同事者竟御有與而歸同事者聞其來亦不  
樂與處皆避去草堂後  
史密數十大冊以為地  
天一無所好及  
也非寫  
廣州府知府  
蓋自有定數

# 浙江圖書館

皇明名臣疏琰錄卷之四

后集

皇明名臣琬琰錄卷之四

后集

副都御史李公墓誌銘

王侍偉

天生一代聖明之君創業繼統必有忠良之臣以贊  
襄左右扶顛持危不偶然也曩者

宣宗皇帝即位改元之初會樂安州漢庶謀叛劫衆從  
己而行在四川道監察御史李公州人也以外艱家  
居語族人曰吾先世皆以忠孝為立身傳後之範今  
吾必不為叛逆所奪汝等以善自裁吾計決矣乃晨  
夜馳京告變朝廷仗大義以討平之改樂安為武定  
州嘉公之忠陞都察院左僉都御史階中順大夫復  
賜以襲衣綵段實宣德丙午也又二年公膺誥命曰  
爾中順大夫都察院左僉都御史李濬擢任風紀清

慎廉介當叛逆圖危之初乃心國家首發其謀嘉爾  
忠誠擢貳憲長授任以來益圖克稱茲特錫之誥命  
以為爾榮又八年是為正統元年今  
上皇帝嗣祚承大統簡任賢能勵精圖治時公丁內艱  
還適遼東守臣懈於邊備虜數寇盜

上命在廷大臣舉素有才者一人往撫綏之僉以公為  
宜

上遂召公往泣其事公至集諸將士宣布朝廷恩威諭  
以禦戎之道莫重于守于是高城深池謹烽堠鳴刀  
斗練精銳士馬分布要害暇則躬親督屯視田區畫  
措置由是邊儲克實甲兵堅利自瀚海以東悉平寧  
上聞嘉之進公左副都御史階嘉議大夫仍勅公凡事  
所當行者並以便宜施行公在邊凡八年以目疾乞

休致還未幾卒于家訃聞

上哀悼之遣官諭祭命有司塋葬事公諱濬字伯淵自

居庠序時已為輩流推服及升或均擢侍御倬朕有

聲已而遭際聖明致位都憲小心慎密至誠偽無其

在朝則北之石慶在邊則比之趙翁孫可謂明良相

逢風雲慶會誠不隅也公生洪武 年 月 日卒

正統 年 月 日享年六十有七葬 鄉 山之

原曾祖諱 祖諱皆隱德弗仕考諱任賢贈中順大

夫左僉都御史妣鄭氏封太恭人配范氏封恭人子

男四人森榮杲本榮任戶部司務孫男五人嗟夫子

與公生同郡仕同朝且有姻婭之好今公已矣則公

之墓石非予銘誰宜銘銘曰於戲孝公天產異質

早際聖明光奮於績親藩構隙公發其謀憲臺貳長

公被寵休頌頌邊城命公綏撫設奇運畧有赫其緒  
引疾甫去而計奄來士林嗟悼當亡興哀嗟嗟我公  
忠義烈烈其身雖死其名不滅刻銘堅石納諸壽藏  
子子孫孫百世蕃昌

尚書靖遠伯忠毅王公神道碑

李賢

本朝之制文臣不許封爵邑惟有武功者不在令自  
洪武以來蓋百年于茲矣文臣有武功而封爵邑者  
始一人焉靖遠伯王公是已嗚呼休哉公諱驥字尚  
德系出太原先世有宦遊雲中者因家宣寧高祖而  
上多顯仕曾祖守道祖思宗仕元為高陽令有惠政  
父成適元季兵亂因徙家東鹿娶程氏生公自幼  
警敏年十三入邑庠為諸生即有遠大志未幾父母  
相繼以歿公哀毀盡禮能自樹立遂領鄉薦登永樂

丙戌進士第授兵科給事中尋出使山西見徐溝民  
困秦免鹽地新課二十餘萬時思宗未嘗見徐溝民

丙戌進士第授兵科給事中尋出使山西見徐溝民  
困奏免鹽池虧課二十餘萬時應天府缺丞務急且  
冗委公署之立辦復署行在都察院事持正不撓陞  
山西按察司副使洪熙改元

仁廟素知公才名召為順天府尹畿甸大治特賜誥以  
褒之

宣廟即位之明年陞行在兵部右侍郎時慮南京根本  
重地真定州畿內要衝秦蜀二王府護衛兵多兩  
遣公分調屯駐公皆處之得宜宣德乙卯進兵部尚  
書先是竄酋阿台原兒只伯之軍猖獗塞下今

皇上即位之明年特遣公往視師許以便宜行事公至  
見沿邊城保不堅將無紀律嘆曰邊防如此宜守寇  
至朔日大集官兵問曰往年出兵過虜於魚海首先

退縮者為誰咸曰都指揮安敬即命左右引出斬之  
一軍為之股慄又誓於眾曰自今遇敵有不前者罪  
如之號令一新兵威大振既而虜首把秃孛羅入寇  
崔浪公即遣都指魏瑩授以方畧率兵勦之遂禽其  
部落以還虜始知懼遁走公閱涼甘軍况曰兵貴  
精強乃退其三之一八月還京

上慰勞之者久焉虜聞公還復入寇

上復勅公往公至遣大將蔣貴率精騎數千出境且戒  
曰遇敵不捷無復相見也再遣偏將趙安率兵繼之  
公與太監魯安都督任禮引兵為殿遂禽阿台俘殺  
醜類遂盡邊底寧捷聞

上遣人賫金幣勞公加兼大理寺卿明年還京先是南  
南麓川宣慰使思任發叛累征不利辛酉春復命將

貴率諸道兵往討之仍命公總督軍務賜以明鏡雕  
子麟龍排袍以壯其行公至聞賊在大侯州即遣都



貴率諸道兵往討之仍命公總督軍務賜以明鏡雕  
弓蟒龍緋袍以壯其行公至聞賊在大候州即遣都  
指揮馬讓授成筭以往斬首數百級餘賊遁去是歲  
冬分道並進會于上江以夾攻之因風縱火斬獲無  
筭賊首父子僅以身免遂盪平其巢寨捷聞降勅獎  
勞召公北還時蠻賊韋即羅造釁于維摩州公遣指  
揮萬誠先聲率土兵討之賊潰散即羅逃之安南渡  
傳檄諭之邊人遂斬其首來獻廣南富州土官儂即  
舉沈政讎殺十餘年公宣諭朝廷恩威兩讎頓釋至  
京

上親宴于奉天門文武官僚以次陪宴士林榮之論功  
封公推誠宣力武臣特進榮祿大夫柱國靖遠伯食  
祿一千二百石特賜誥券追封三代曾祖考皆如其

爵妣皆伯夫人未幾恩任發竄入緬甸謀叛

上曰勞卿再一行耳公復總諸軍至金齒遣人促緬甸  
送思任發至軍前緬人佯諾不遣公曰緬人黨賊不  
可不加兵乃至騰衝分為五營公與蔣貴及都督沐  
昂分督以進木邦宣慰使統兵萬餘駐于蠻江許觀  
我軍容公責以忠義賞以牛酒遂感悅而退緬人擁  
衆大至公密令貴率兵匝江而下焚其舟數百艘大  
戰一晝夜賊潰遁去捷聞

上召公班師慰勞益厚加祿三百石壬戌秋北虜近邊  
上復命公出巡仍許便宜行事乃自寧夏抵甘肅凡寨  
堡烽燧悉增備之仍授邊將以破賊及練士方畧事  
竣還京麓川遺孽思机發思卜發復據孟養以叛戊

辰春

上復命公總督諸軍率兵往討之至金沙岡賊于西岸

上復命公總督諸軍率兵往討之至金沙岡賊于西岸  
立柵以拒公伐竹為梁麾兵悉渡一鼓破之賊又於鬼  
哭山巔立柵公與偏將親冒矢石往拔之二孽死於  
亂兵南服遂寧景泰初都督宮聚征湖貴苗賊失利  
乃以公佩平蠻將軍印代總其兵遂大破苗賊獲其  
酋偽禰剗平王苗虫富檻送京師餘寨悉平振旅而  
還復增祿一百石子孫世襲尋委公總督守備南京  
壬申秋以衰老乞閑還京天順改元

皇上復位思用舊人召公慰諭良久賚以白金文綺顧  
公精力尚健復拜兵部尚書再閱月兵政漸有次第  
而公固辭不可強矣

上亦念公重違其請令朝朔望復賜誥加號奉天翊衛  
推誠守正文臣特進光祿大夫禮遇甚厚天順四年

五月十一日以疾薨於正寢公天資通敏遇事敢為  
正色立朝欲以身殉天下每陳國家利害生民休戚  
辭氣懇切孜孜不已襟懷開爽好賢樂善人有寸美  
必極口稱道見人才沉滯必拔起任用始終成就之  
未嘗有德色與人交不立厓岸循和易雖位兼將  
相望重累朝曾無一毫驕矜之意見于顏面體貌清  
臞風儀俊整尤善談論見者為之懽然當大事屹若  
砥柱之在中流功名事業視前石為無愧矣疾亟家  
人皆惶懼公曰古人以死為歸何至是耶且對故人  
大理卿龔永吉叙間闊神思如常客甫出門公就席  
而逝享年八十有三

上聞訃哀悼輟視朝一日祭葬賻儀悉從典禮追封靖  
遠侯謚忠毅士大夫莫不茹泣相弔公娶張氏累封

遠侯謚忠毅士大夫莫不如泣相吊公娶張氏累封

伯夫人生子二曰玉璫俱早卒側室劉氏生子二曰  
瑞嗣公爵曰珩為勳衛孫男二女二卜以是年七月  
吉日歸葬于東鹿祖陸之右銘曰天生豪傑祚我邑  
家大其抱負弘彼聲華乃若斯人世豈多有乃鳳乃  
麟出也非偶惟忠毅公間氣所鍾芬茅葦挺見孤  
松早奮于庠入奉廷對羽儀公朝展也無愧歷試繁  
剗如劍斷犀佐持憲節名震山西召尹京畿內安  
堵貳我夏官折衝尊俎進大司馬出巡邊陲斬其怯  
將大振兵威于甘于涼于彼沙漠矯強胡罔不就  
縛林鹿冠弗請以跳以梁公來督戰如膺之揚殲厥渠  
魁盪其巢穴漠南之境遺患斯絕報功有典迥出群  
流河山礪帶與國同休將相之才一代之望壽考哀  
榮孰與公抗東鹿之原卜此牛眠豐碑有銘百世之

傳

尚書侯公神道碑

璉

王文端公直

侯氏世家澤州公之曾祖父伯謙大父慶先父大亨皆儒業而不仕公諱璉字廷玉自幼端重寡言笑而聰敏喜學慷慨有大志讀書窮日夜不休凡遇宴樂輒先退不欲以酒廢事先生長者皆以遠大期之舉為州學弟子員永樂癸卯山西鄉試第一遂取進士為行人以善辭令而剛果能斷得名四州雲南廣西諸土官爭地累年不次者朝廷以命公至則按圖志考故實召諸耆老開誠布公智力貨賂不可移由是皆悅服而罷

上亦以為能交趾黎麟請命公輔禮部侍郎章啟往錫卦至其境關門低且隘先驅者謂當偃度公止之曰

此中國所謂狗竇也于土人出入則宜令

此中國所謂狗竇也于土人出入則宜今

天命下臨不可由此度迓者驚懼為撤閔乃度由是蠻  
夷益謹禮不敢肆既歸毫髮無所受人以此益賢之  
迂兵部主事虜寇阿台朶兒只犯邊會昌伯趙安尚  
書柴車等自涼州分兵出鐵門關攻敗之公與有勞  
繼以內難歸居喪盡禮而哀戚加焉服除陞郎中麓  
川思仁發及詔尚書王驥率兵討之公在行往來督  
戰視將校用命以施賞罰賊攻大候州公以偏師往  
援令于衆曰吾視賊氣驕有輕我心宜掩其不備即  
麾衆薄之呼聲動天地斬殺無算賊大潰我師益奮  
與參將冉保等遂破石愈等十餘砦聞大軍至麓川  
賊阻截不得通公與保等由高黎貢山晝夜兼程進  
與大軍合搃其巢穴賊遂平凱旋陞禮部右侍郎賜

白金五千兩鈔五千錠綵幣五表裏且錫誥命以寵  
之贈大父父皆禮部右侍郎祖妣李氏母宋氏皆贈  
洲人封继母劉為太淑人妻翟封淑人尋奉勅鎮雲  
南得便宜從事雲南飢公發倉廩及募富民出粟以  
賑之全活甚衆會再討麓川餘黨公引偏師由于厓  
南旬進破賊子思机發所居寨獲其妻孥輜畜捷聞  
陞左侍郎賜白金七十兩鈔五十錠綵幣七表裏丁  
太淑人憂命馳傳奔喪即起復遣行人賜祭官為治  
葬迂兵部侍郎復鎮雲南築騰衝城置軍衛焉時議  
以賊子思机發在孟養復命靖遠伯王驥以兵往勦  
之公與都督張軌分軍抵金沙江造船先齊奪賊地  
為營于是大軍畢度燬其柵而進賊奔孟養度不能  
支各烏戰散去公窮追至孟糯海子等處不可得乃

班師諸夷酋長皆震駭曰自古漢人無渡金沙江者



史各島戰散去公窮追至孟禰海子守處不可得乃

班師諸夷酋長皆震駭曰自古漢人無渡金沙江者  
今大軍至此真天威也南夷無復反矣還鎮雲南而  
今上即位遣使賫勅嘉勞賜白金二十兩綵幣二表裏  
貴州飢苗叛攻圍新添諸衛道梗不通城中食盡命  
公總督軍務往征之時普定圍急公自雲南選善才  
者為前鋒自將至普定疾戰矢下如雨賊大敗圍解  
遂趨貴州副總兵都督曰禮等以兵來會克龍里甕  
城羊腸楊老今溪諸路新添平越清平都勻諸圍俱  
解由興隆而下抵鎮遠皆平定事聞

上嘉其功陞兵部尚書又進克安莊克西堡長官司皆  
署兩方盛瘴癘大作公得疾昇歸普定醫弗效諸將  
問疾惟戒諸將以勿輕此賊宜統兵進勦毋貽患生  
民遂卒未嘗一語及私嘗景泰庚午八月十三日也

上聞嗟悼遣官賜祭命歸其柩于澤州有司治墳以葬  
生於洪武戊寅三月初六日享年五十有三其葬以  
是年十二月十二日其墓在五門山前先塋之次子  
男一曰爵朝廷以公功命為錦衣衛世襲正千戶女  
一孫男三侃偉儀公姿貌魁傑器重宏深而兼資文  
武仁義忠信之實有諸內功名事業之美見諸外卓  
然為令名臣人之能者蓋鮮矣予念天之生賢必使  
之有為于世俾荷國家之重而待盡其才不徒小試  
而已

今天子勵精圖治日靖四方而公以壯盛之年當戡定  
之託遠大悠久之業不克見其成嗚呼豈非可惜哉  
予與公同朝久相好為寤深于是爵來請予文刻諸  
神道以示久遠義不可辭也乃序次其事之大者而

神道以示久遠義不可解也乃序次其事之大者而  
系以銘曰侯氏之先世為儒家自君祖考弗耀其  
華君早嗜學科乃峻擢歷位而陞膺此殊渥文武之  
才兩取其優伐叛南夷克闡令猷偏師疾攻風激霆  
怒振搞摧枯有仆無拒飛度金沙遺葶遁逃煙塵廊  
清弓矢載索蠢茲有苗乃敢于紀震以餘威所尚披  
靡遂陟夏卿遽返于冥維茲戎功弗克厥成

天子曰嘻曷表朕志五品之榮子孫世繼太山峩々靈  
秀所鍾蔚朕新宮公在其中勒銘穹碑負以龜趾詒  
後不忘庶其在此

尚書楊公墓碑銘

彭文憲公時

天順戊午十一月二十一日南京刑部尚書歙縣楊  
公卒於家又明年庚辰其弟宜之子挺會試來京請  
於予曰先伯父歷仕於朝幾三十年功名事業著于

中外惟是募隧之碑宜有文以詔後世而缺焉敢以  
為請 一言庶幾其不朽也言既曰授予狀按狀公

諱寧字彥謚姓楊氏世為錢唐人高祖世隆元教授

曾祖存仁祖源俱隱德弗耀父諱昇有文學行誼卒

官徽州府學教授因留家焉公生而穎異甫三歲祖

父引至膝下口授以詩即應口成誦八歲能通大學

語孟十一而能屬文十八即以春秋魁永樂丁酉京

闈兩中乙榜林震榜第二甲進士第

一人尋詔明年授刑部主事讞獄

明恕蔚有時名正統己未麓川宣慰思任發及寇虐

隣境朝廷命將征之簡文臣有才識者隨征公其首

也師次麓川境賊遣人款軍門納降主將欲許之衆

莫不起悅公獨進曰不可兵未加而敵降是必詐以

誘殺也許之懼有後悔弗聽又曰必我許之請廉兵

中外惟是墓隧之碑宜有文以詔後世而缺焉敢以  
為請 一言庶幾其不朽也言既回授予狀按狀公  
諱寧字彥謚姓楊氏世為錢唐人高祖世隆元教授  
曾祖孝仁祖源俱隱德弗耀父諱昇有文學行誼卒  
官徽州府學教授因留家焉公生而穎異甫三歲祖  
父引至膝下口授以詩即應口成誦八歲能通大學  
語孟十一而能屬文十八即以春秋魁永樂丁酉京  
闈兩中乙榜不就宣德庚戌林震榜第二甲進士第  
一人尋詔歸進學壬子赴召明年授刑部主事讞獄  
明恕蔚有時名正統己未麓川宣慰思任發及寇唐  
隣境朝廷命將征之簡文臣有才識者隨征公其首  
也師次麓川境賊遣人款軍門納降主將欲許之衆  
莫不起悅公獨進曰不可兵未加而敵降是必詐以

誘殺也許之懼有後悔弗聽又曰必裁許之請廉兵  
以備不虞又弗聽固諫請不已衆謂公近繳令督運

誘我也許之懼有後悔弗聽又曰必欲許之請嚴兵  
以備不虞又弗聽固聽請不已衆謂公迂檄令督運  
於金齒不旬月賊衆奄至士卒多陷焉比還京將兵  
者卒以失机被譴公獨以勞被褒賞特陞郎中歲辛  
酉大舉伐麓川總督軍務兵部尚書王公驥知公料  
敵之審也仍以公行師入境王公指授諸將進取方  
畧以公督戰乃渡江攻上江賊砦賊矢石如雨公奮  
不顧身督戰益力士卒咸用命遂克之又進攻杉木  
籠山賊柵險拒守公曰賊狙于前勝當多方以誤之  
使不暇併力乃可圖王公用其言令諸將各視于便  
以進俱奮連破七寨斬陶孟靠等餘賊奔潰遂家勢  
搆賊巢圍之賊以死守晝夜攻賊不息因乘風舉火  
烟焰漲天賊不知所為死鋒鏑及墜崖溺水不知其

數師還

上親宴勞於奉天門賜公白金楮幣拜刑部右侍郎壬戌丁母袁洲人憂甲子奉命叅贊雲南軍務至則練兵伍督屯耕興利害不以於撓而於懷而遠人猶盡心焉先是頭目恭頌者嘗效力隨征公于奉請置隴川宣撫司以恭頌為宣撫用旌其義民爽悅服有言騰衝險要宜城之以陸制蠻夷者

上命公往城或謂公曰其地險惡多瘴非時冒之輒死盍徐圖之公曰我知奉命而已邊郵其他即往相地慶工計財賢勉勵將士使效力越四旬有五日而畢工因建學舍選生從訓令務學以蠻夷風自為文刻石紀其事人敬服焉先是麓州賊首逸手緬至是公以城完民且效順諭謀所以致賊計乃簡銳師若將有

所向者先遣使奉詞費緬人懼哀求出賊自效率

所向者先遣使奉詞責緬，人懼哀求，賊自效，卒  
誅大慙，圍其首以獻。自是朝廷無南顧之憂。丙寅侍  
郎侯進代公還朝，丁卯暨戊辰春。

上以清明謁祭三陵，俱命公留守。未幾閩浙東廣草竊  
發，師征未寧。江右密迖三境懼有侵軼，患朝廷命公  
巡撫。公至，按視師，縣當賊衝者，曾脩成亘立排柵，以  
斷要路。圖集鄉兵，訓以武藝。遇有侵軼者，輒擊斬之，  
以故賊風聞畏避，不敢犯公。于是時益鎮以簡靜，暇  
則遍歷諸郡，宣上德，達下情，崇獎學校，詢求民瘼，而  
弛張之遠近，畏慕景泰。初還京，奏對稱旨，有織金文  
綺羊酒之賜。明日拜禮部尚書，與昆陵胡公協心政  
務，濟寬以嚴，人謂得辭。後二年以病足艱于步履，調  
南京刑部，示優禮也。其在刑部凡五六年，斷獄一用



寬怒民以不寬蒙贈曾祖祖父俱尚書曾祖妣俱  
夫人天順改元致仕家居踰年以疾卒春秋五十有  
九訃聞朝廷遣官致祭營塋以是年十二月十六日  
葬於一都之金山下配曹氏封夫人無子宜之次  
子埒如已出側室吳子二人長馮以公平南功授徽  
州衛世襲副千戶次城女一公天資孝友年方十四  
適其父教授先生承詔預脩永樂大典公隨侍至京  
既而父遺疾且卒公于侍湯藥備棺檢無不致謹扶  
柩歸葬於錢塘不憚險遠及第進士歸母夫人在堂  
朝夕奉養甚謹會其第宜領鄉薦而公亦被召乃謂  
其弟曰母之所生推我與爾今俱出而仕何恃以為養  
耶弟感其言養母以壽終仍仕公友愛其弟無間始  
終待鄉黨朋友一以信義事上以忠莅政以勤恤民

取家嚴不刻寬不從祈至有意于人而性識机警才

終待卿黨朋友一以信義事上以忠莅政以勤恤民

馭家嚴不刻寬不縱所至有惠于人而性識机警才  
器宏偉處事務存大體衆中出言清辨有條聽者忘  
倦故識與不識無不稱道其為人而慕仰之其學博  
覽經史尤長於春秋自少即馳名場屋所作諸文有  
白雲稿臥雲稿藏于家公第宜舉進士拜監察御史  
今為廣東按察司副使其子誕景泰癸酉鄉貢士科  
第輝聯實公啓之而誕又知為公不朽計可謂不自  
所教已銘曰

綿之楊宗世德遠而再仕於外不夫厥施委祉儲祥  
而公傑出磊落其才沈厚其質乃雋賢科乃官郎署  
乃慎乃勤乃馳清譽滇南徼外蠻寇縱橫再征以師  
而公互行協力贊謀妖氛斯滅終鎮以靜遠人慕悅  
爰之江右與寇為鄰天子憲徵命公撫巡公於為政

春生秋殺民以不恐亦懷其德累年勞勤正位六御  
鴻聲駿望洋溢二京歸日豈何而遠長逝壽雖邦正  
名鮮與儼金山之麓高墳峨峨銘以昭之百世不磨

侍郎焦公神道碑

王直

正統己巳五月二十一日戶部右侍郎即焦公以疾終於  
家年五十八先是詔以叛賊思機薙猶不庭假息孟  
養命出征之而以公主餽運抵金沙江公奉命謹甚  
冒瘴癘以進軍不之食而身則病矣然猶力疾終其  
事師還遂浮三峽道荆襄以朝京師公家南陽葉縣  
以困憊弗堪少止求醫藥而疾加劇不能就道即上  
奏曰臣餽師無功又不善揖養為瘴癘所侵今瘡復  
作連項背勢且日甚恐不得入朝見  
陛下謹具奏復命踰數月赴至

上深悼惜之命禮部致祭工部為治墳營子純卜年

月 日奉葬于

之原而以翰林編脩劉定之

所述行狀來請曰先人之葬朝廷寵終之禮厚矣然  
官至二品於法得立碑神道敢請文以刻焉公諱宏  
字克明世為葉人曾祖成祖敬皆不仕考英嘗主廂  
及萍鄉二縣簿公貴祖考皆累贈至通奉大夫江西  
右布政使祖妣程氏妣耿氏皆太夫人公天性至孝  
事父母皆盡其道居喪皆哀毀如禮其於為學自祖  
不懈學成取進士拜監察御史守正不阿時都御史  
顧公馭下嚴御史謹禮法者皆罷不獨善待公嘗出  
按貴州貴有疑獄不決論死者百餘人公察其實以  
聞皆釋免坐者十人而已公署相傳有妖前之御史  
皆避正寢不敢居公處之恬然陳都督鎮鳳陽行有

違法者人皆誣之欲置之死地宣帝疑之命擇御史  
之賢且明者往廉問以命公至則為直其誣而坐以  
所當罪得不死謫戍邊由是公日益有名人有受誣  
不能白者皆以得遇公為幸壬子陞江西按察副使  
人謂江西俗健訟公曰吾知其人多讀書識道理吾  
當以理論之訟無難決者於是人有訟惟折之以理  
不尚嚴酷人亦感公之德無不服從獄遂清省江西  
連歲歉積逋稅藩省病之吏部侍郎趙公任德習奏  
以委公之撫循勸諭民懽趨之事以辦治己未陞江  
西右布政使益以寬厚為治察下吏之有才行者奏  
進之有起自末僚而為縣令者九江歲納蠶柴而此  
地不產乃斂錢於民買自他所而納焉逋負歲積民  
益困公為奏免之新南昌府學修公署正堂及吏舍

皆捐俸以備僚屬故不勞而集蓋以公事行縣寬而

皆捐俸以倡僚屬故不勞而集茲以公事行縣寬而  
不縱嚴而不殘吏畏而民愛之尤嘉興學舍獎進士  
類九江濂溪書院久廢人侵軼其地公復之建祠宇  
以興起其士人郡邑中有寒賤不得齒於學者公羅而  
致之禮遣為弟子有興鄉薦而貧不能赴春官者公  
皆厚禮送之由公而成名者衆歲辛酉徵為戶部右  
侍郎食從二品祿有重事則以任公闕浙蘇浙半臨  
海寇往來海中伺便肆抄掠兵備弛廢  
上命公往視閱諸軍修城堞備戰艦防守之法有舊因  
革增損者悉以便宜從事政令一新寇不得為害蘇  
之嘉定民有田數百畝已歸之官而稅尚在民之甚  
之公請蠲其稅甲子閏中復開銀場又命公往視課  
頗重者請減之以利民乙丑

上以陝西緣邊皆宿重兵俱仰食內郡河南濱陳多積  
粟而諸術多屯田實有名無實後命公之按視其廩  
庾攷較其耕穫姦弊盡革儲峙以充其他建之皆信  
之其紀者多類此蓋公盡心朝廷遇事勇為之必  
盡其方不擇利害為取舍與人交謙恭和厚言語恂  
恂有不當其意輒毅然自任不可回於得失不較也  
公為人如此上之欲用公與士大夫之所以期望者  
蓋有大於此而今已矣嗚呼深可惜哉公兄弟三人  
最相愛長兄寧早卒公撫育其諸孤以家事屬仲弟  
宜令季弟寬得專意於學寬遂與鈍亦相繼取進士  
而寬為御史焦氏世科之盛人罕有及者公娶同邑  
李氏累封至夫人子男二長即鈍次欽公以文行政  
事為當時顯人而子又克孝用表著於後庶永之不

事為當時頭人而子又克孝用恭著於後為永之

朽予家江右素知公且同朝久相知益深矣子辭故

論次其事之大者悉以銘詩而俾刻之石銘曰

天祐聖明篤生俊才倪下焦公秉時偕來為名進士

為賢御史正直自持養聞遠近出副外台亦克持平

教行惠施刑為之清逆陞方伯召公是式亦有歌詠

自持叶于南國天子曰來汝佐爾徒邦之大計汝審厥謨

出入中外有勞有烈天不懸遺惜哉此傑命之不延

人亦寔悲功立名存百世之思刻文道周負以龜趾

云誰為之公有子

浙

有子



上以疏也... 宣統元年

公... 宣統元年

大... 宣統元年

宣... 宣統元年

宣... 宣統元年

宣... 宣統元年

館

書

圖

江

浙

宣統元年...

宣統元年...

善本 609 日



浙江圖書館

浙江圖書館善本


甲 登記號： 32609

一九 年 月 日




浙江圖書館

colorchecker CLASSIC




xrite



浙江圖書館

colorchecker CLASSIC



x-rite

